







# জাতীয়-উদ্দীপনা।

---

“ চাহিনা স্বর্গের সুখ নন্দন কানন ।  
মুহূর্তেক যদি পাই স্বাধীন জীবন ॥

---

ঢাকা-গিরিশযন্ত্রে ।

মুন্সি মওলাবক্স প্রিন্টার কর্তৃক মুদ্রিত ও  
প্রকাশিত ।

---

১২৮৪।

মূল্য ৬০ বারআনা মাত্র ।



## মুখবন্ধ ।

অধুনা, মৃতপ্রায় ভারতবাসী-হৃদয়ে সহস্রাধিক বৎসরের  
বিলুপ্ত স্বদেশানুরাগ পুনরুদ্দীপিত হইয়াছে । ভারতের  
মৃতকল্প দেহে জীবনীশক্তির সঞ্চার চিহ্ন দেখা বাইতেছে ।  
জন্মভূমি এবং স্বজাতির প্রতি সম্মান ও গৌরব বুদ্ধি না  
জন্মিলে লোকে স্বদেশানুরাগী হইতে পারেনা । ভারত-  
বাসীর হৃদয়ে “ ভারত মহিমা ” দিন দিন উচ্চাসন লাভ  
করিতেছে । ভারতবাসী এখন আর পূর্বের মত বিলাসে  
বিভোর হইয়া স্বীয় কর্তব্যানুষ্ঠানে বিরত রহেন না । স্কুল  
কথা, ভারত সমাজে ধীরে ধীরে স্বদেশানুরাগ ও স্বজাতি  
পক্ষপাতিত্ব প্রবেশ করিতেছে । এই স্বদেশানুরাগে  
বাস্তবালির ঝটি ও বজ্র সাহিত্যের গতি পরিবর্তিত হই-  
তেছে । ইউরোপের হীনতা এবং প্রাচীন ভারতের ম-  
হত্ত্বের কথায় এখন আমরা যত সুখী হই, এত আর কিছু-  
তেই নহে । জেতার প্রতি মর্যাদাসিক বিদ্বেষ ইহার অন্য-  
তম কারণ বটে, কিন্তু স্বদেশানুরাগই ইহার মূলীভূত  
সন্দেহ নাই ।

বর্তমান সময়ে, বঙ্গবাসীর কচি যেরূপ বিকৃত হইয়া পড়িয়াছে, বাঙ্গালা সাহিত্য যেরূপ লঘু ও হীনদশা প্রাপ্ত হইয়াছে; স্বদেশানুরাগ ও স্বজাতির প্রতি অনুরাগ অভাবে ভারতের যে শোচনীয় অধোগতি সংঘটিত হইয়াছে; তাহাতে এরূপ একখানা স্বদেশানুরাগোদ্দীপক গ্রন্থ প্রণয়নের যে কতদূর প্রয়োজনীয়তা, তাহা বর্ণনা করা আমাদিগের সাধ্যাশ্রিত নহে। শুভক্ষণে, “জাতীয় সঙ্গীত” প্রণেতা, জাতীয় সঙ্গীত প্রণয়ন করিয়া ভারতবাসীর কণ্ঠদেশে একখানি বহুমূল্য আভরণ এখিত করিয়াছেন। তাঁহারই দৃষ্টান্তের অনুবর্তী হইয়া অদ্য বঙ্গদেশোদ্ভূত সুবিখ্যাত কবিগণ-বিরচিত কতিপয় স্বদেশানুরাগোদ্দীপক কবিতা, সঙ্কলন পূর্বক এই ক্ষুদ্র “জাতীয়-উদ্দীপনা” গ্রন্থ প্রচারিত হইল। এতদ্বারা ভারতবাসী এক ব্যক্তিরও জননী জন্মভূমির প্রতি স্নেহ ও মমতা সংবর্দ্ধিত হইলে সমস্ত শ্রম সফল মনে করিব।

পরিশেষে সন্মতজ্ঞচিত্তে প্রকাশ করিতেছি, ত্রিযুক্ত বাবু রাজবিহারী দাস, এই গ্রন্থ সঙ্কলনে যথেষ্ট আয়াস এবং পরিশ্রম স্বীকার করিয়াছেন।

ঢাকা-গিরিশচন্দ্র । }  
১২৮৪ ।

প্রকাশক ।



# সূচীপত্র ।



বিষয় ।	পৃষ্ঠা ।
১। সঙ্গীত । ( কালীপ্রসন্ন ঘোষ ) .. ..	
২। সঙ্গীত । ( হরিমোহন মুখোপাধ্যায় ) ..	১
৩। আখ্যানদর্শন । ( নবীনচন্দ্র সেন ) .. ..	৭
৪। ভারতভূমি । ( জ্ঞানাকুর ) .. ..	১৩
৫। শব-সাধন । ( নবীনচন্দ্র সেন ) .. ..	২১
৬। উদাসীনের বিদায় । ( দীনেশচরণ বসু ) ..	২৭
৭। বাঙ্গালীর জ্ঞানালোক । ( ভুবনমোহিনী দেবী )	৩২
৮। এই কি ভারত । ( আনন্দচন্দ্র মিত্র ) ..	৩৫
৯। ভারতী । ( দ্বিজেন্দ্রনাথ ঠাকুর ) .. ..	৩৮
১০। আখ্যানসঙ্গীত । ( ভুবনমোহিনী দেবী ) ..	৪১
১১। কুকবি । ( হারাণচন্দ্র রাহা ) .. ..	৬১
১২। কবির প্রতিজ্ঞা । ( হরিমোহন মুখোপাধ্যায় )	৬৫
১৩। বীণা । ( দীনেশচরণ বসু ) .. ..	৬৯
১৪। উদ্দীপন । ( রামলাল চক্রবর্তী ) ..	৭৫
১৫। কোকিল । ( হরিমোহন মুখোপাধ্যায় )	৭৭



বিষয় ।

পৃষ্ঠা ।

- ১৬ । আর কি আছে । ( যোগেন্দ্রনাথ বন্দ্যোপাধ্যায় ) ৮৩  
 ১৭ । দেশ পর্যটন । ( শীতলাকান্ত চট্টোপাধ্যায় ) ৮৯  
 ১৮ । গীতি কে যেন গাইল । ( ভারত-সুন্দ ) ৯৬  
 ১৯ । ভারতের সুখাবসান । ( দীননাথ সেন ) ১০২  
 ২০ । সঙ্গীত । ( রাজবিহারী দাস ) .. .. ১১০



# রাগিণী নট-বেহাগ ।

তাল পোস্ত ।

মীরব ভারতে কেন ভারতীর বীণা,  
সোণার প্রতিমা, আজি শোকে মলিনা ।  
কুঞ্জে কুঞ্জে যার, কোকিল কণ্ঠে খেলিত সুধা তরুঙ্গ ;  
সে কুবি নিকুঞ্জ আজি, শ্মশান সমান ।  
বীর রাগ মদে, যেই তানে গর্জিত ভারত,  
আজি সে দীপক রাগ, শ্রবণে শুনিনা ।

কালীপ্রসন্ন ঘোষ ।



•

•

# জাতীয়-উদ্দীপনা ।



## সঙ্গীত ।

ভারতে বাথানী আজ নীরব গম্ভীর !  
হায় কি অদৃষ্ট দোষে সকলি অস্থির !  
আর সে গম্ভীর সুরে            করি মুগ্ধ তিন পুরে  
গায় না ভারতবাসী ভারত সংগীত ।  
বীণাযন্ত্রে পুরে তান        সুরেতে ভাসিয়ে প্রাণ  
আর সে নারদ ঋষি গায় না ললিত ।  
অথোর নিদ্রায় আজ সকলি নিদ্রিত !  
এই কি পূর্বের সেই ভারত ভবন ?  
এই কি সে আৰ্য্যজাতি—আৰ্য্যের নন্দন ?  
হায় সে পূর্বের ভাব        হলে হৃদে আবির্ভাব  
বিষাদ-মাগরে মন, হয় রে মগন ।  
পরিতাপ তমোরাশি        আবরে অশ্বর আসি—  
নিবিড় জলদ কোলে লুকায় তপন !

যেই আৰ্য্যপুত্র হাসি      সঙ্গীত তরঙ্গে ভাসি

করিত গম্ভীর স্বরে মোহিত ভুবন

এই কি আমরা সেই আৰ্য্যের নন্দন ?

এই কি সে হিমাচল—অচল ভূষণ ?—

যাহার শিখর দেশে      অঙ্গুরী কিল্লুরী এসে

মধুর মধুর গীতে মোহিত ভুবন ।

এই কি সে হিমগিরি ভীষণ দর্শন ?

হায় রে সকলি আছে ভাণ্য দোষে পড়ে পাছে

কিন্তু সে সংগীত-রব নীরব এখন !

আর রে বাজে না বীণা মৃদঙ্গ তেমন !

সেই বিজ্ঞানগিরি বেগে      ভেদিয়া নবীন মেঘে

উর্দ্ধমুখে চুপ্বিতেছে অনন্ত গগন ;

আজিও ভূবার মাখি      কাননে শরীর ঢাকি

আছে সে হিমাদ্রি উচ্চে ফিরারে নয়ন ;

পাষাণে পাষাণে অঙ্গে আছাড়ি আছাড়ি রঙ্গে

আজিও ধাবিছে গঙ্গা কল কল রবে ।—

কিন্তু সেই পরীদলে      নাহি আর কুতূহলে

মধুর সংগীতে করে বিমোহিত ভবে ।—

নিদ্রিত জাগিয়া আজ সকলে নীরবে !

আছে সেই আৰ্য্যপুত্র—অযোধ্যা ভুবন—

আছে সেই হস্তিনাপুর—দণ্ডক কানন ;—

কিন্তু সে গম্ভীর স্বরে      কাঁপাইয়া চরাচরে

## সঙ্গীত ।

দামামা হুন্সুভি তেরী বাজে না ভীষণ ।  
কোদণ্ড টঙ্কার ঘন—                      হয় হস্তী গরজন  
করে না বিদার আর অবনী গগন ।  
নীরব সমর শংখ নিদ্রায় মগন ।  
উৎসাহ সাহস জলে                      ভাসি আঁধাপুলদলে  
সমরে অশ্বরে আর করে না দলন ।  
কিরীট রূপাণ বাণ                      বর্ষ চর্ষ শিরস্ত্রাণ  
কার্য্যুক নারীচ আদি সমর ভূষণ ।  
না জানি পড়িয়া আছে কোথায় এখন !  
নীরব গস্তীর ভেরী ঘুমে অচেতন ।  
নীরব বীণার রব ;                      নীরব বাজনা সব—  
নীরব অভাগা এই ভারত নন্দন ।  
ভীমনাদে ঘোর গর্বে                      কাঁপাইয়া জীন মর্কে  
প্রলয় অনল রাশি করি উদ্দীরণ ।  
ভীষণ আগ্নেয় গিরি নীরব যেমন—  
সেই মৃত্যু সেই গীত                      সে বাজনা মূললিত  
তেমতি নীরব ভুলি ভারত নন্দন ।  
হায় মাগো কত আর শোক সিন্ধুজলে  
রাখিবে ডুবায় আঁখি সন্তান সকলে ?  
তেজ বীৰ্য্য বলহীন                      সকলে মা দিন দিন  
ডুবাতেছে কীর্ত্তি যশঃ কলঙ্ক সাগরে ।  
রূপাময়ি ! রূপা করে                      সাধি গো কাতর স্বরে

ভারতে প্রকাশ হও সেই মূর্তি ধরে ?

নিজ তেজ করে দান      আনন্দে ভাসাও প্রাণ  
নাচাও আনন্দে পুনঃ ভারত নন্দনে ।

পূরাও কামনা মাগো মিনতি চরণে ।

আবার বাল্মীকি ঋষি      একান্তে কান্তারে বসি  
বিজয়-সংগীত গান,—ছুটাক গগনে ।

শরাসনে জুড়ি শর      ছাড়ি রব ভয়ঙ্কর  
আবার সাজুন রাম রাক্ষস নিধনে ॥

মহোৎসবে ছাড়ি হয়      আবার পাণ্ডবচর  
ছুটুক নির্ভয়ে জয় করিতে ভুবনে ।

আবার সঙ্গিনী সঙ্গে      রণ রঙ্গে সাজি রঙ্গে  
আশুক সে বরাঙ্গিনী লোহিত আননে ॥

আবার বাধুক রণ—      আবার পাণ্ডবগণ—  
আবার সাজুক রণে কুকপুত্রগণে ।

আবার সে ভীম স্বরে,      কাঁপাইয়া চরাচরে  
বাজুক দুন্দুভি ভেরী সমর অঙ্গনে ।

আবার নিশ্বাস পুরে      আবার গম্ভীর স্বরে  
ভারত নন্দন গা ( উ ) ক ভারত কীর্তনে ।

আবার কাঁপারে ভবে নাচুক আনন্দে সবে—  
হাসুক গৌরব রবি—আবার গগনে ।

পলাক্ আলস্যরাশি ;— উৎসাহ সাহস আসি  
হোক্ আবিভূত হাসি ক্ষুদ্র-ভবনে ।

জাগ্রত সকলে পুনঃ তাজি এ শয়নে ।  
 আবার নৈমিষ বনে— আবার আনন্দ মনে  
 আনন্দ সংগীত গাক্ তপস্বী সকলে ।  
 স্বর্ণসরোজিনী দলে সাজাইয়া উরঃস্থলে  
 আবার আনন্দ সিদ্ধ উঠুক উথলে ॥  
 মধুর সংগীত-স্রোত মৃদু কলনাদে  
 মলয় মাকত মনে ভুলাইয়া ত্রিভুবনে  
 কক্কক শ্রুধীরে গতি সাধি মন সাধে ।  
 মাতি মৃদু মন্দ সুরে আবার আনন্দ ভরে  
 উছলিত হোক্ আহা মন্তোষ সাগর ।  
 শোক হুঃখসমুদয় বিবম আলস্যা হায়  
 ভুলিয়া হরিষ নীরে ভাসুক অন্তর ।—  
 ভারত সন্তান শুন কর অহে বহু পুনঃ  
 জাগাইতে সে সংগীতে ভারতে আবার ।  
 করে করি বীণায়ত্ন যতনে পড়িয়া মন্ত্র  
 কর সে মধুর সুরে মোহিত সংসার ।  
 ঘুচুক নিবিড় নীল নীরদ আধার ॥  
 কিন্তু যেন ব্রজবালা না গায় বসন্ত জ্বালা ;—  
 আধ আধ মৃদু মৃদু হাসি বিধুমুখে—  
 প্রেমসী শরত শশী আসিয়া কোতুকে—  
 যেন তব পাশে এসে বসে না চঞ্চল কেশে—  
 দোলাইয়া মুক্তামালা বিনোদ গলায় ।



কজ্জলে নগ্নন কাল      ললাটে করিছে আলো

ঝলমলি মতিহার বিমল বিভাষ ।

চায় না বঙ্কিম যেন বাঁকায়ে গ্রীবাষ ॥

শশী শশী শশী বলে      অমনি সোঁহাগে গলে

বসায়ে হৃদয়ে যেন ধরিয়া অঞ্চলে ।

বিরহ বর্ণি'য়া যেন না বর্ষ গরলে ॥

—যাহাতে ভারত নিত্য ডুবিছে অতলে—

“ললিত লবঙ্গ লতা” নিকুঞ্জ কাননে

পিয়াকুল কলরব ভ্রমর গুঞ্জে—

বসন্তে কান্তেরে পেয়ে      বঙ্গবালা বীণা লয়ে

বায় না শুনিতে যেন সহচরী সনে ।

বিনোদিনী পাগলিনী      উন্মাদিনী সরোজিনী

আর যেন নাহি গায় ভারতে এক্ষণে ।

প্রমীলা পদ্মিনী আজ বশুক আসনে ।

হরিমোহন মুখোপাধ্যায় ।

## আর্য্যদর্শন । \*

১

“ আর্য্য ! ”—আজি এ ভারতে,  
নিষ্ঠুর ! এনাম কেন ধনিলে আবার,  
মক্‌ভূমে পিপাসায়,  
যে জন জ্বলিছে হায় !  
“ সুশীতল জল ” কাণে কেন কহ তার ?  
কেন মৃগ-ভৃক্ষিকার কর আবিষ্কার ?

২

“ আর্য্য ! ”—মোহান্ন যুবক !  
মিশীর্ণ নিদ্রায় তুমি দেখিছ স্বপন ;  
পুনর্ব্বার নিদ্রা যাও,  
যদ্যপি শুনিতে পাও,  
এই মধুময় নাম—সুদূর-স্মরণ ।  
নিশ্চয় যুবক তুমি দেখিছ স্বপন ।

৩

স্বপন না হবে যদি,—  
অনন্ত সময় গর্তে যেই নাম হায় !

---

\* আর্য্যদর্শন নামক মাসিকপত্র প্রকাশিত হইবার  
সময় এই কবিতাটি লিখিত হইয়াছিল ।

অকালে হইয়া লয়,  
 আজি তহুপরে বয়,  
 দ্বিতীয় লহরী দর্পে কাঁপায়ে ধরায়,  
 সেই নাম আজি তুমি পাইলে কোথায় ?

৪

ইতিহাস ?—অবিস্থাস !  
 ইতিহাস নহে,—অনুমানের সাগর !  
 তব ইতিহাসে কর,  
 এই সেই আর্ঘ্যালয়,  
 আমরা সে বীর্যবান্ আর্ঘ্যের কুমার ;  
 চন্দ্র-সূর্য্যবংশে, এই জোনাকি স্রব্দার !

৫

না, না,—এ যে অসম্ভব !  
 অসম্ভব,—এই সেই আর্ঘ্যাবর্ত নহে ;  
 কুরুক্ষেত্র—মহারণ,  
 হলো যথা সংঘটন,  
 সেই আর্ঘ্যাবর্ত—কেন করিব প্রত্যয়,  
 একটি-ইংরাজ ভয়ে কম্পিত হৃদয় !

৬

ছিল যেই—শূণ্য ভূমি ;  
 অনন্ত ঐশ্বর্য্যখনি,—প্রাচুর্য্য ভাণ্ডার ;  
 যাহার মলয়ানিলে,

যাহার জাহ্নবী-জলে,  
বহিত, ভাসিত, চির-আনন্দ অপার,  
আজি তথা দুর্ভিক্ষের ধ্বনি হাহাকার !

৭

এই নহে আর্য্যাবর্ত ;  
আমরাও নহি সেই আর্য্যের কুমার ;  
তাহাদের বীর্য্যবল,  
ছিল যেন দাবানল ;  
পৃষ্ঠে তুণ, করে ধনু, কক্ষে তরবার ;  
আমাদের অশ্রুজল, হংসপুচ্ছ—সার !  
কি দোষে না জানি হার !

৮

বিধাতার কাছে দোষী আমরা সকল,  
তেজোহীন, বীর্য্যহীন ;  
ততোধিক পরাধীন ;  
আমাদের—হার ! কোন্ পাপের এফল ?  
করে ভিক্ষা পাত্র, কণ্ঠে দাসত্ব শৃঙ্খল ।

৯

হার ! ওই—দীন হীন,  
অনন্ত-বিষাদ-ভাগু—ভারত সম্ভান,  
বসি শ্বেত পুচ্ছ করে,  
শ্বেদ সহ অশ্রু ঝরে ;

কহিওনা তার কাণে এই আৰ্য্যনাম,  
বিষাদ-সাগরে তার উঠিবে তুফান ।

১০

স্বষ্টিকর্তা !—বল নাথ !—  
সর্ব শক্তিবান তুমি তবে কি কারণ,  
প্রত্যেক পবন যায়,  
উঠিতে পড়িতে ছায় !

এই ক্ষুদ্র বালি রাশি করিলে সৃজন ?  
আর্য্যবংশে কুলাঙ্গার—কলঙ্ক অর্পণ ?

১১

শুনেছি মঙ্গল ময়  
তুমি নাথ ! তুমি নাথ ! দয়ার নিদান ;  
হতভাগ্য হিন্দুচর,  
সৃজি, ওহে দয়াময় !  
জগতের কি মঙ্গল করিলে বিধান ?  
দুর্ব্বল পতঙ্গে করি অনলে প্রদান ?

১২

বিদরে হৃদয় নাথ !  
বল ছায় ! কি মঙ্গল করিলে সাধন ?  
তীব্র আর্য্য-বংশ-রবি,  
বান্ধীকি-কম্পনা-ছবি,  
অনন্ত রাহুর আসে করিয়া অর্পণ ?

এই প্রাস-মুক্ত নাথ ! হবে কি কখন ?

১৩

হায় ! সেই “ আর্য্য ” নাম,  
আছিল জগত পূজ্য ;—আছিল অচল,  
অটল হিমাদ্রি সম,  
সিঞ্চু জিনি পরাক্রম,  
আজি সে বাতাস ভরে করে টলমল,  
আজি সেই—নাথ ঐপদ্ব-পত্রে জল !

১৪

রুখা তবে প্রিয়বর !  
নাহি আর্য্য ; কেন “ আর্য্যদর্শন ” এখন ?  
কি আছে আর্য্যের আর,  
বিনে ওই— হাহাকার,  
নাহি অঙ্গ, নাহি মন, নাহি সে জীবন,  
কি আর দেখিবে “ আর্য্যদর্শন ” এখন ?

১৫

ওই আর্য্য ভ্রম্য রাশি !  
ভাগীরথী দুই তীরে, ওই সুপাকার !  
জানিয়াছি দূত মতে,  
পতিত-পাবনী হতে,  
এ পতিত বংশ নাহি ছইবে উদ্ধার ;  
না পারিবে ভাগীরথী ; তবে যদি আর—

১৬

আর কোন মহারথী,  
বাজাইয়া পাঞ্চ জন্য, ধরি তরবার,  
করি সিংহনাদ ধ্বনি,  
আনে রক্ত তরঙ্গিনী,  
আর্য্যরক্তে আর্য্যাবর্ত ভাসায় আবার,  
তবে যদি আর্য্য বংশ জাগে পুনর্বার ।

১৭

মেই দিন আর্য্যাবর্ত,  
দেখিবে নবীন শশী, নবীন গগণ ;  
উদিবে নবীন রবি,  
গাইবে নবীন কবি ;  
দেখিবে নবীন “ আর্য্যদর্শন ” তখন ;  
কি দেখিবে ? কত দিনে ?—সকলি স্বপন ;  
নবীনচন্দ্র সেন



# ভারতভূমি ।



এই কি সে দেশ হায় !  
পূজা দিত যার পায়  
ভূমণ্ডল সমুদয় ? এই কি সে দেশ ?  
এই কি ভারত আহা !  
মর্ত্যলোক মাঝে যাহা  
অমরাবতীর তুল্য ধরিত শ্রবশ !  
কোথা সেই বুদ্ধি বল ?  
কোথা সে প্রতাপানল ?  
রাজী ছিলে দাসী হ'লে কুপুজ প্রমদি ।  
স্বর্ণ অলঙ্কার ভার,  
সর্বাস্থে শোভিত বার,  
ধূলার এখন তাঁর লুটাইছে ছবি !  
ধন মান, কুল গর্ব,  
সকলই হয়েছে খর্ব ;  
বিজাতীর পদানত হয়েছে এখন ;  
অবনত মাথা আর,  
শক্তি নাহি তুলিবার  
কেবল নরনরীয়ে ভাসিছে বদন ।  
অন্তর্গত তব কীর্তি,  
মলিন নলিন মূর্তি,



বদনে বচন স্ফূর্তি না হয় এখন ।

হেরে তব দশা হায় !

দুঃখে বুক ফেটে যায়,

আগ্নেয়াঙ্গি মত হয় অন্তর দাহন ।

কেন হায় পদ্মাসন,

ভুলাতে ভুবন মন,

এহেন সুন্দর রূপ দিলেন তোমায় !

কক্ষ গিরি মরু মুখী,

হলে তুমি হতে সুখী,

এড়াইতে অধীনতা-শৃঙ্খলের দায় ।

অপূর্ব রূপের ডালি

তোমার হইল গালি,

যবনাদি রিপুচিন্ত করিলে চঞ্চল ।

পশ্চিম প্রদেশ হতে,

আসি তারা, নানামতে

বলেতে তোমাতে দলি করিল বিকল ।

সত্য বটে সুরূপসি,

এখনও মুখশশী,

একেবারে হয় নাই শোভা বিরহিত ।

বাহিরে বিকৃতি শূন্য,

কিন্তু ঘোর অচেতন্য,

ভিতরে হরেছে যেন আলো তিরোহিত

সদ্যোমৃত্যু রামাসমা  
 মূর্তি তব মনোরমা,  
 দেখিয়া দর্শক চিত্তে লাগে চমৎকার ;  
 কোমল কমল কান্তি,  
 দেখি মনে হয় ভ্রান্তি,  
 এখনো দেহেতে আছে জীবের সঞ্চার  
 পুত্র তব পদ্মাধিক  
 কিন্তু ইহাদিগে দিক্  
 সবে দেখি অচল, অকৃতি অভাজন ।  
 হেন শক্তি আছে কার,  
 হরে তব অন্ধকার ?  
 নিজজীব শরীর পুনঃ করে সচেতন ?  
 অদ্যাপি সহস্র কর,  
 বিস্তারি সহস্র কর,  
 সুপক্ক করেন তব রসাল রসাল ;  
 নিশাভাগে নিশাকর,  
 যুড়াইতে কলেবর,  
 প্রসারেন শুকোমল দীপ্তিীর জাল ।  
 অদ্যাপি সে শ্বরেশ্বরী  
 মুক্তামালা রূপ ধরি,  
 বিরাজেন তব বক্ষে পূর্বের মতন ।  
 বঁার কূলে পুরাকালে,

মহাবল মহীপালে,  
 যজ্ঞ করি অশ্বমুণ্ড করিত ছেদন ।  
 পূর্বমত কল কলে,  
 জল তার বেগে চলে,  
 মরকতে মণ্ডিত করিয়া দুই তীর ।  
 অদ্যাপি সে হিমগিরি,  
 মস্তক উন্নত করি,  
 স্বর্গভেদী স্বীয় দর্প রাখিয়াছে স্থির ।  
 প্রাকৃতিক শোভা যত,  
 সব আছে পূর্বমত,  
 একমাত্র আৰ্য্য জাতি ঘণার আত্মদ ;  
 নত শিরে, অন্ধকারে,  
 থাকে সদা কদাচারে,  
 ভিখারী বিদেশী দ্বারে হারায়ে সম্পদ  
 বল বীৰ্য্যে জ্ঞানহীন  
 পরতন্ত্র পরাদীন,  
 একতা সভ্যতা শূন্য বিষন্ন মানস ।  
 নব কীর্তি থাক দূরে,  
 পূর্ব কীর্তি নাহি স্মরে,  
 মত্ত প্রায় সমাচারে, বিজাতীয় বেশ ।  
 মুর্থতা নিগড় পায়,  
 তাদের কি শোভা পায় ?

জ্ঞানসূর্য্য জনমিল যাহাদের কূলে ।

দর্শন, জ্যোতিষ শাস্ত্রে,

চিকিৎসা, সাহিত্য, শাস্ত্রে,

ছিল যারা সর্ব্বোপরি এমহীমণ্ডলে ।

কোথা সে “ কারিকা ” কার ?

পুৰিখাত মত ঝাঁর,

নিগূর্ণ পুরুষ আর সন্তুণা প্রকৃতি ।

কোথা সেই অক্ষ পাদ ?

করি যিনি ‘ ন্যায় বাদ ’

জড়, জীব, ঐশ্বরের করিলা বিরতি ।

কোথা ছায় দ্বৈপায়ন ?

এক ব্রহ্ম পরায়ণ,

দ্বৈত-বোধ ভ্রম নাশে ঝাঁহার প্রয়াস ।

কোথা বুদ্ধ নির্ব্বিকার ?

সর্ব্ব জীবে দয়া ঝাঁর,

নির্ব্বাণ-মুক্তি প্রতি অটল-বিশ্বাস ।

কোথা সেই আর্ধ্যভট্ট ?

বিস্তীর্ণ আকাশ পট,

হস্তামলকের প্রায় জ্ঞানে হত ঝাঁর ।

দিবা নিশি দিন করে,

ধরা প্রদক্ষিণ করে,

এই বার্তা ঝাঁহা হ’তে হইল প্রচার ।

কোথায় ভাস্করাচার্য্য ?  
 গণিত বাঁহার কার্য্য,  
 নীলাবতী গ্রন্থ বাঁর বিখ্যাত ধরায় ।  
 কোথায় চরক মুনি ?  
 ভীষকের শিরোমণি ;  
 অস্ত্র চিকিৎসার গুরু নৃশত কোথায় ?  
 কোথা সে অতুল বীর,  
 জিতেদ্রির রণে স্থির,  
 খাণ্ডব দাহনকারী তৃতীয় পাণ্ডব ?  
 কোথা রাজা চন্দ্রগুপ্ত,  
 গ্রীক গৰ্ব্ব করি লুপ্ত,  
 রক্ষা করিলেন যিনি দেশের গৌরব ।  
 প্রতাপে জিনি আদিত্য,  
 কোথা সে বিক্রমাদিত্য ?  
 শক-বংশ ধ্বংসকারী তেজস্বী ভূপতি  
 অপর সে নামধারী,  
 সৰ্ব্বজন মনোহারী,  
 কোথা হায় ! নব রত্ন সভা অধিপতি ।  
 কোথা সে সভার রবি,  
 কালিদাস মহাকবি ?  
 বিকাশে হৃদয় পদ্ম যঁহার প্রভাবে ।  
 অভিজ্ঞান শকুন্তলে

কার নাহি চিত্তগলে ?  
 রঘুবংশে কে না হয় গদ গদ ভাবে ?  
 কোথা বা সে উজ্জয়িনী  
 অলকা নগরী জিনি  
 মেঘ দূতে শোভা যার ররেছে চিত্রিত !  
 কোথা হ'তে বুদ্ধগণে  
 যাম্যোত্তর রেখাগণে,  
 জ্যোতিষ ও সাহিত্যের ধাম মনোনীত ।  
 এবে সে মোক্ষদায়িকা  
 পুণ্য-পুরী অবন্তিকা,  
 সামান্য পুরীর মত আছে সিপ্রা তটে ।  
 পূর্বকার গর্ভ তার,  
 হইয়াছে ছার খার ।  
 আর কি সে মনোরমা সুবমা প্রকটে ?  
 কোথা পুষ্পপুর \* হায় !  
 চিহ্ন নাহি পাওয়া যায় ;  
 “ প্রিয়দর্শী ” অশোকের লুপ্ত রাজ্যসন ।  
 স্মৃত বাঁর স্মবিক্রম,  
 মহেন্দ্র মহেন্দ্রোপম !

\* পুষ্পপুর, কুসুমপুর, এবং পাটলীপুর প্রাচীন পাটনার নাম । এক্ষণে উহা পাটনা বা আজিমাবাদ বলিয়া প্রসিদ্ধ ।

দ্বীপান্তরে বৌদ্ধমত করিল রোপণ  
 বিখ্যাত পাটলীপুত্র  
 আছে শ্রুধু নাম মাত্র,  
 যবন নির্মিত পুর “ আজিম আবাদ ” ।  
 নাহিক পূর্বের ভাতি,  
 তথাপি পাটনা খ্যাতি ;  
 এখন পাটনা বলা শ্রুধু মিথ্যাবাদ ।  
 হিন্দুদের অহঙ্কার,  
 সমস্তই ধূলি সার,  
 নাহি আর পূর্বকার কোন রাজধানী  
 কান্যকুব্জ দেখি ভগ্ন,  
 হস্তিনা মৃত্তিকামগ্ন,  
 কোশাঙ্গী নগরী হায় কোথায় না জানি  
 ইন্দ্রপ্রস্থ গৃহোপরি ;  
 সাহ জাহানের পুরী †  
 অপূর্ব মাধুরী ধরে যমুনার ধারে ।  
 অযোধ্যা করিয়া নাশ,  
 ফৈজাবাদ সুপ্রকাশ ;  
 প্রয়াগ এলাহাবাদ যবনাধিকারে ।

\* \* \* \* \* জ্ঞানাকুর ।

† হতন দিলি ।

## শব সাধন !

---

১

নিবেছে অমল ?—নিবে নি এখন,  
কে নিবাবে বল, নিবিবে কেমনে ?  
সপ্তশত বর্ষ জ্বলিছে এমন,

কত শত বর্ষ জ্বলিবে কে জানে ?  
যেই দিকে দেখি,—এই মহানল !  
কোথায় ভারত ?—অনন্ত শ্মশান !  
শ্মশান—শ্মশান—শ্মশান কেবল !  
রাবণের চিতা, লঙ্কার প্রমান !

২

ঢাল যদি সপ্ত মহাপারাবার,  
এ অনল নাহি হইবে নির্বাণ,  
দেহ চাপ্যাইয়া হিমাদ্রির ভার,  
যাবে ভস্ম হয়ে তুণের সমান !  
হুঃখিনী কল্পনে ! কেন উদাসিনী  
রুখা নেত্রবারি কর বরিষণ,  
নয়নের জলে জান না তাপিনী,  
এ প্রচণ্ড শিখা হবে না বারণ ।



৩

এই মহা অগ্নি, ভীষ্মের পিপাসা,  
ভৃঙ্গারের বারি উপহাস তার ;  
ধরিয়া গাতীব,—ভারতের আশা !—

ভারত হৃদয় করহ বিদার ;  
ভোগবতী গঙ্গা ভীম-প্রবাহিণী  
অন্তস্তল হতে উঠিবে তরকারি,  
নিবাবে শ্মশান, শক্তি-স্রোতস্বিনী,  
সুড়াবে ভারত অমৃত সঞ্চারি ।

৪

না পার—বসিয়া এ মহা-শ্মশানে,  
বিংশতি কোটিক শবের উপর,  
উগ্র উদ্দীপনা মহাসুরা পানে,  
সাধ মহামন্ত্র অভয় অন্তর ।

যোর অমাবস্যা প্রগাঢ় তিমিরে,  
আচ্ছন্ন ভারত, নীরব এখন,  
শ্মশান অনল গর্জিছে গঙ্ঘীরে,  
হাহাকার শব্দে স্নিছে পবন ।

৫

অর্ঘ্য বীর্ঘ্য-ভস্ম মাখি কলেবরে,  
স্মৃতি মহামালা জপ অনিবার,  
'ত্ৰাহি মে তৈরবি'—ডাক উঠেঃস্বরে

সাধ মহামন্ত্র—ভারত উদ্ধার ।  
 কত বিভীষিকা করিবে দর্শন,  
 ব্রহ্মাস্ত্র-গর্জন, পাশ-ঝনৎকার,  
 মস্তক উপর সনন্ সনন্  
 খেলিবে বিজলি শত তরবার ।

৬

কি ভয় ? আবার হৃদয় ভরিয়া,  
 কর উদ্দীপনা মহামুরা পান,  
 করতালি দিয়া, নয়ন মুদিয়া,  
 কর বীরাচারে মহাশক্তি ধ্যান ;—  
 ‘ করালবদনা ’ নৃমুণ্ডমালিনী,  
 লেলিহান জীহবা কধিরে লোহিত,  
 উরু মা শ্মশানে শ্মশানবাসিনী,  
 অক-দ্বন্দ্ব গলক্রুপির চর্চিত ।

৭

‘ মহামেষপ্রভা ! কর বরিষণ  
 মহা বারি ধারা জ্বলন্ত শ্মশানে ;  
 কলুক আবার সাধনার ধন  
 বীর রত্নরাশি এই আর্গ্যস্থানে !  
 সদ্যচ্ছিন্ন আর নহে ওই শির,  
 কি লাজে ধর মা দেও ফেলাইয়া,  
 ধরশান ধজে মলিন কধির,

সদা রক্তে পুনঃ লও শাণাইয়া ।

৮

‘ ঘোরারাবে মাতা ছাড়িয়া হুঙ্কার,  
মহারৌদ্রীরূপে হও অধিষ্ঠান,  
নাচ রণরঙ্গে, নাচ আরবার,

দেখুক নয়নে ভারত সন্তান ।  
যেই বীরদর্পে ক্ষিতি টলমল,  
দেখি মহাৰুদ্ধ দিলেন পাতিয়া  
হিমাদ্রি সদৃশ হৃদয় অটল,—  
দেখিব সে মুক্তি নয়ন ভরিয়া ।

৯

‘ অভয়, বরদ,—অধ উর্দ্ধ কর,  
শোভিছে দক্ষিণে ভারতের তরে,  
দেহ মা অভয়, হায় ! নিরন্তর  
নিবসি শ্মশানে সত্তর অন্তরে ;  
প্রচণ্ড অনলে কত কাল হায় !  
জ্বলে আৰ্য্যজাতি কাল-নির্ধিশেষ,  
একি অভিশাপ ! তথাপি ধরায়  
হতভাগ্য জাতি হলো না নিঃশেষ ।

১০

‘ অনন্ত জীবন, অনন্ত দাহন,—  
কত কাল সবে ভারত দুঃখিনী ?

মরে না, বাঁচে না, জীবনে মরণ,  
 অর্দ্ধ মৃত, অর্দ্ধ দক্ষ অভাগিনী !  
 তুমি মা বরদা, দেহ এই বর,—  
 নিঃশেষি জীবন নিবুক শ্মশান ;  
 কিস্তি চিতানল নিবাণ সহর,  
 মৃতকম্প দেহে কর প্রাণ দান !

১১

‘ অচল ধমনী—উঠুক উছলি,  
 নব বরষায় জাহ্নবী যেমন ;  
 স্থির রক্ত স্রোতে ছুটুক বিজলি,  
 ‘ জ্বর মা তৈরবী’—উঠুক গর্জন । ’  
 ফলিয়াছে শব-সাধন তোমার,  
 নয়ন মেলিয়া দেখহ কম্পনা ;  
 ভারত শ্মশানে আজি আরবার ;  
 কি ভীষণ নৃত্য, কি ঘোর বাজনা ।

১২

প্রতি ঘরে ঘরে—শ্মশানে শ্মশানে !  
 মহা বিষ্ণু দিনে মহাশক্তি ওই  
 নাচিছে রঙ্গিনী সুর-রূপাণে,  
 গর্জিছে সাধক ‘ মা টেঁ মা টেঁ ’ ।  
 নিবিড় নিশীথে ঘোর অন্ধকারে ;  
 ধূমপুঞ্জ মাঝে নাচে ভয়ঙ্করী,

ত্রিনেত্র হইতে অনল ছঙ্কারে,

মহাকালী মূর্তি—ভীমা দিগম্বরী ।

১৩

বাজে জয়টাক ঘন ঘোর রোলে,

শঙ্খ, ঘণ্টা, কাঁশা ভীষণ আরাবে,

কভু শূন্যে ভীমা,—কভু ধরা কোলে,

রক্তারক্ত অঙ্গ-নর-রক্ত আবে !

নর-কর-কাঞ্চি কটিদেশে বাজে,

নর-মুণ্ড-মালা হুলিছে গলায় ;

কধির-আধার এক করে সাজে,

অন্য করে তীব্র রূপাণ খেলায় ।

১৪

ভারত সন্তান ! দেখ না মাতার

দোলজীহ্বা শুষ্ক, শুষ্ক রক্তাধার,

দেখ বাম কর করিয়া প্রসার,

সদ্য উষ্ণ রক্ত মাগে বারম্বার ।

নাহি কি ভারতে হেন বীরাচারী,

আপনার বক্ষ করি বিদারণ,

করে, জননীর পিপাসা নিবারি,

ভারত শ্মশানে শক্তি আরাধন ।

নবীনচন্দ্র সেন ।



## উদাসীনের বিদায় ।



১

এই না আৰ্য্যের সমাধি-মন্দির  
কুরুক্ষেত্র, সেই মহা তীর্থস্থান,  
কাল-রাত্ৰ আমি আসিন যথায়  
ভারত-সৌভাগ্য তেজস্বী তপন ?

২

বসিব এখানে,—শৃগাল অধম  
সিংহাসনে যদি পারে রে বসিতে ;  
হৃদয়ে উঠায়ে স্মৃতির তরঙ্গ  
বর্তমান দুঃখ ডুবাব তাহার ।

৩

শত শত ফুল যে বনে শুকাল,  
যে নভে মিশাল শত শত তারা,  
সেই বন সেই আকাশ মানসে  
কুসুম নক্ষত্র সহিতে আঁকিব ।

৪

গোধূলির শেষে সাগর সীমায়  
যে হৈম কিরণ আকাশ উজলি

ডুবিল ত্রেতার, দেখি যদি ছায়  
সে কিরণ-রেখা পারি রে চিত্রিতে !

৫

কি ফল ফলিবে সে সব চিন্তায় !  
ভারত এখন কুজ্বাটিকারত ;  
মহামন্ত্রে ফণী নত-শিরা যথা  
সোণার ভারত তেমতি এখন !

৬

শত শত বীর-শোণিতে আরক্ত  
এই পুত রেণু সর্বদা মাখিয়া,  
চলি যাব, স্রুখে দিয়া জলাঞ্জলি,  
অদেশের পাঁনে চাহিব না ফিরে !

৭

স্নেহ-রসে গলি, সজল-নয়নে,  
ফিরাতে যদ্যপি আসেন জননী,  
কহিব তাঁহারে,—‘কে তুমি আমার  
অভাগিনি, ডাক পুত্র পুত্র বলে ?’

৮

‘উদাসীন আমি ; গৃহে ফিরে যাও ;  
মাতৃহীন আমি বহুদিন হতে ;  
কুক-ক্ষেত্র-রণে, পুত্র-শোকানলে  
দেহ বিসর্জন দিয়াছে দুঃখিনী ,’

৯

সংহোদর যদি আসেন সাধিতে  
কহিব তাঁহারে,—‘ ভাতৃহীন আমি ;  
যে যুদ্ধের শেষে জননী মরিল,  
সেই যুদ্ধে মোরে ভিখারী করিল ।’

১০

একমাত্র বীণা যতনে লইয়া  
আঁধার নিশীথে অরণ্যে পশিব,  
ধীরে ধীরে বীণা-তন্ত্র পরশিয়া  
সংগীত-গভীর-সমুদ্রে ডুবিব ।

১১

‘ ভারতের দশা এই কি হইল !’  
শোক-ভয়-অরে গাইব যখন ;  
গাবে প্রতিধ্বনি,—আকাশ-নন্দিনী  
‘ ভারতের দশা এই কি হইল !’

১২

ধীরে ধীরে কভু স্মৃতান ধরিব,  
অর্ধক্ষুণ্ট অরে গাইব কখন ;  
স্মি স্মি তালে কভু কণ্ঠ মিশাইয়া  
গাইব, বাহ্যিক জগত তুলিয়া ।

১৩

হৃক্ষে হৃক্ষে পত্র মর্ষরিবে খেদে,



বিসর্জিবে তব শোক-অশ্রুধারা ;  
 বিবাদে খদ্যোত আসিবে নিকটে,  
 সহসা বিহঙ্গ উঠিবে জাগিয়া ।

১৪

ক্ষুদ্র ওটিনীরে তীরে গিয়া কহু  
 তারকার মেলা মলিলে হেরিব ;  
 ভূত-রূপ-পটে ভারতের তারা  
 এই তারা দেখি, হইবে স্মরণ ।

১৫

প্রভাতে যখন উদিবে তপন  
 পূর্বাসার দ্বারে কিরণ ছুটিবে,  
 আনন্দে তখন বিহ্বল হইয়া  
 গাইব গম্ভীরে বীণা বাজাইয়া ;

১৬

‘স্বাগত দিনেশ,—আঁধার বিনাশি !  
 স্বাগত ভারতে জগত জীবন !  
 এই কুজ্বাটিকা দূর করি দেব !  
 মৃতপ্রায় মায়ে বাঁচাও স্বপুণে ।

১৭

থাক অন্য কথা ; কুত্রক্ষেত্রে যদি  
 নাহি ত্যজে থাক কঠিন পরাণ,  
 একবার তবে বীর-কুল-চূড়া

দেখাও, জননি । মৃত পুত্রগণে ।

১৮

দেখাও এদাসে বিস্কুলিঙ্গ সম  
সপ্তরথী মাঝে অভিমুখা রথী ;  
মত্ত ঐরাবত ভীম ভীমসেন ;  
বীরেন্দ্রকেশরী অর্জুনে বীরে ;

১৯

ভীষ্ম মহাবীর ক্ষত্র-কুলরবি  
যুধিষ্ঠির সত্য ধর্ম মূর্তিমান  
দ্রোণ গুরু ; শত কৌরব দুর্জয় ;  
রাধেন্ন সমরে অটল পর্বত ।

২০

হায় রথ ! খেদ ! রথ ! এ সাধনা !  
রক্তহীন ফুল ফুটে কি কখন ?  
যে অনল কালে গিয়াছে নিভিয়া,  
ফুৎকারে কি পুনঃ উঠিবে জ্বলিয়া ?

২১

তবে কেন রথ ! করি কালক্ষয় ?  
আশার ছলনে প্রতারিত হই ?  
এ মনোবেদনা কে আর বুঝিবে ।  
এসংসারে হায় কে আছে আমার ?

২২

বীরপ্রসবিনী ভারত-জননী  
 ষিঁদায় দেহ মা জনমের তরে  
 তুমিও ভীষণ জ্বালি হতাশন  
 এ হুংখের দেহ দেহবিসর্জন !

দীনেশচরণ বসু ।

## বঙ্গালীর জ্ঞানালোক ।

১

পতঙ্গ উড়িতেছিল আপনার মনে,  
 ঈষৎ বাতাস যায়, ভূমে পাড়ে মুচ্ছাযায়,  
 উঠে ক্ষণে, পুনরায় উধাও গগনে !  
 নবীন পাথার জোরে, যেখানে সেখানে ফিরে,  
 বাধা নাই, কেহ তারে দেখেনা নয়নে ।  
 নাহি জ্ঞান, নাহি ভয়, নাহি হুংখ স্মৃথোদয়,  
 নাহি হিতাহিত বোধ প্রাণের কারণে !  
 হঠাৎ দীপের শিখা দেখি, পুন দিল দেখা,  
 ( স্তম্ভর স্মৃথাদ্য আলো ) ভাবি মনে মনে,  
 পড়িল পতঙ্গ ওই দীপের আগুনে !

২

দরিদ্র অবোধ ওই বাঙ্গালি সন্তান !  
 দুর্বল পতঙ্গ প্রায়,            উড়ে অতি দীর বায়  
 —ভূমে পড়ি মুচ্ছা যায় আবার অজ্ঞান—  
 উঠি ক্ষণকাল পরে,            চাঁদ ধরিবার তরে  
 উঠিল আকাশ পরে, পতঙ্গ সমান  
 ভুলোকে আলোক দেখি নির্বোধ অন্তরে সূখী !  
 জানেনা সূখের আলো অগ্নি দহে প্রাণ !  
 পড়িলে উহার মাঝে, আর কিরে রক্ষা আছে ?  
 তথাপি না মানে বাধা, হারাতে পরাণ !  
 দুর্বল পতঙ্গ প্রায় বাঙ্গালি সন্তান !

৩

দিল ঝাঁপ অনলেতে কে ধরে উহাকে ?  
 বিষম ঝটিকা ভরে            শাখার পল্লব ছিঁড়ে  
 উড়ে যায়, কেবা তারে চক্ষু মেলি দেখে ?  
 বনের পল্লব হয় !            দেখিতে কে চাহে ভায় ?  
 উড়ে যায় কোথা বায়, কে সুধায় কাকে ?  
 কে আর গতন করে,            যায় তায় ধরিবারে—  
 যবে পত্র বারিধির মধ্যে উর্দ্ধ থেকে  
 সমীরের মৃদুতায়,            তরঙ্গে ডুবিতে যায়,  
 শূন্য থেকে থেকে থেকে পড়ে অধোমুখে -  
 নীল জলরাশি মধ্যে আবর্তের পাকে ? -

৪

বিধিরে ! তিমিরে বস্তু ডুবাও আবার !  
 নিৰ্ব্বাণ জ্ঞানের বাতি,      জ্বলন্ত বিজ্ঞান ভাতি  
 হোক জ্ঞান ! ধৰ্ম্মনীতি হোক ছারখার !  
 হোক অন্ধ ! কেন আর      তৃণ রাশি দহিবার  
 তরে অগ্নি আবিষ্কার কর পুনৰ্ব্বার ?  
 অতল সাগর জলে,      স্মৃতি ডুবাইয়া ফেলে ?  
 যা শিখেছে, ভুলাও রে ! কেন বা আবার  
 গণিত, বিজ্ঞান দেখে,      কবি কাব্য ছাই লেখে,  
 কেন মানসিক চিন্তা ? কি ফল তাহার ?—  
 ইতিহাস তর্ক শাস্ত্র,      কেবল দুঃখেই অস্ত্র  
 কেবল বিবাদ পূর্ণ কেবল অসার !  
 দেখিলে ওসব হায় ! দুখে বুক ফেটে যায় !  
 মনে পড়ে আৰ্য্যাবর্ত আৰ্য্যের সম্মান !  
 উথলে অমনি জায় ! দুঃখ পারাবার ।

৫

ভাইরে ! পড়ে কি মনে পূৰ্ণের মৌরব ;—  
 বল, বীৰ্য্য, জ্ঞান, নীতি,      বিচার বিতর্ক শক্তি,  
 তেজোপূর্ণ সৌম্যকৃতি দেবতা-হুগ্ধ !  
 শত্রুহান্ন—অস্থি চর্ম,      ভীমধনু লৌহ-বর্ষ—  
 বিজয় পতাকা, ধর্ম্ম, বীরত্ব, বৈভব !  
 সিংহ নাদ হুহুকার,      দৃঢ় প্রতিজ্ঞতা, আর—

সত্যনিষ্ঠা ! সহিষ্ণুতা কোথায় সে সব !  
 যত দেখ যত শিখ,                      সেরূপত হবেনাক,  
 তবে কেন কথা পুনঃ ? হওরে নীরব !  
 পরের উচ্ছ্রিষ্ট খেয়ে,              তাই পুন উগারিয়ে,  
 আপনি আপনা ভুলে করিছে গৌরব ।  
 আশুনে পুড়েনা আর              তপস্যা করহ সার,  
 তপোবলে বহি ক্রীড়া হইবে উৎসব ;  
 তা হলে পেতেও পার পূর্বের বৈভব ;  
 ভুবনমোহিনী দেবী ।

এই কি ভারত ।

এই কি সে দেশ আছা এই কি সে দেশ !  
 সুন্দর নন্দনবন, সাহিত্যের খনি  
 কল্পনার রঙ্গভূমি বিনোদ ভাণ্ডার ?  
 কবিতা নিকুঞ্জবনে দেবর্ষি যেখানে,  
 মাভিরা গায়িতা গীত অনন্ত শ্রবণে  
 ত্রিতন্ত্রী নিশ্বনসহ, মূর্ত্তিমতী হয়ে  
 ছত্রিশ রাগিণী যথা রাগ তানে মিলি  
 আনন্দে করিতা কেলী আপনা পাসরি,  
 পাসরি অলকাধাম অমর বাসনা,  
 কোথা সে অযোধ্যা আর্ষ্য গৌরবের ভূমি ?

কবিগুরু বসি যার কুশুম কাননে,  
কাব্য পারিজাত তরু রোপিতা কৌশলে !  
যার পুষ্প অবচয়ি গাঁথি ক্ষুদ্রমালা,  
মানব যশস্বী কত ভব রঙ্গভূমে !  
হায় রে সে পঞ্চবটী সীতা পতিব্রতা,  
হেন রাম গুননিধি অপূৰ্ণ রচনা !  
এহেন ককণাচ্ছবি কে পারে চিত্রিতে ?

কোথা সেই ইন্দ্রপ্রস্থ হিমাদ্রি তনয়া  
কালিন্দীর কণ্ঠভূষা ইন্দ্রালয়াধিক ?  
গায়িতা জীমূতমল্লৈ কবীন্দ্র যেখানে,  
বীরেন্দ্রের কীর্তিরাশি অতুল জগতে !  
কোথা ভীষ্ম, কোথা দ্রোণ, কোথা যুধিষ্ঠির  
কোথা সেই দ্রোপদী সতী, বিক্রমকেশরী  
অভিমন্যু ? কোথা সেই ভব মনোলোভা  
সুন্দর বিরাটসভা ?—যার চাক শোভা  
কে পারে বর্ণিতে—কেহ পারে কি চিন্তিতে ?  
কম্পনা নহেরে যার সদা আজ্ঞাকারী !

নাই সেই উজ্জয়িনী ; বিলুপ্ত আধারে  
নবরত্ন, ভারতের কুস্তলভূষণ,  
ভবের গৌরব ; প্রাণ কাঁদেরে স্মরিতে !  
নাই সে বসন্ত, নাই সেই পিকরাজ ;  
স্বভাবের ফুলবনে মনোরঞ্জে ভ্রমি

কে সিঞ্চিবে নবরস, অমৃত সিঞ্চনে ?

কে তুলিবে অতুলনা মধুর কাকলি

গভীর পাণ্ডালপুরে, সুদূর জলদে ?

মন্ত্রমুগ্ধ প্রায় কেরে কাঁদাবে জগতে !

আর কি বাজেরে আহা, শ্যামের বাঁশরী

নিভৃতে কদম্বমূলে, নিকুঞ্জ নিবাসে ?

নব কাদম্বের রবে যথা কুরঙ্গিণী,

নাচে কি সে স্বর শুনি ব্রজকুলাঙ্গনা ?

নাই সে শরৎ, নাই সে সুখের নিশি !

শশধর সহবাসে আর কি হাসিবে

কুমুদিনী, কালিন্দীর কম কলেবরে ?

নিরংব মথুরা, দারা ! গোকুল লহরী

আর কি উঠিবে কভু ভারত ভবনে ?

আর কে গারিবে, কত শত বর্ষ পরে

সে মধুর প্রেমগীত ? আর কি শুনিবে

সুসুপ্ত ভারতী তাহা স্মৃতির স্বপনে ?

\* \* \* \* \*

আনন্দচন্দ্র মিত্র ।





# ভারতী ।



শুধাই অরি গো! ভারতী তোমার  
তোমার ও বীণা নীরব কেন ?  
কবির বিজন মরমে লুকায়ে  
নীরবে কেন গো! কাঁদিছ হেন ?  
অযতনে আহা সাধের বীণাটি  
খুমায়ে রয়েছে কোলের কাছে,  
অযতনে আহা এলো খেলো চুল  
এদিকে ওদিকে ছড়িয়ে আছে ।  
কেনগো! আজিকে এতাব তোমার  
কমলবাসিনী ভারতী রাণী  
মলিন মলিন বসনভূষণ  
মলিনবদনে নাহিক বাণী !  
তবে কি জননি অমৃতভাষিণি  
তোমার ও বীণা নীরব হবে ?  
ভারতের এই গগন ভরিয়া  
ও বীণা আর না বাজিবে তবে ?  
দেখ তবে মাতা দেখগো চাহিয়া  
তোমার ভারত শ্মশান পারা !  
খুমায়ে দেখিছে সুখে স্বপন

নরনারী সব চেতন হারা !  
 যাহা কিছু ছিল সকলি গিয়াছে  
 সে দিনের আর কিছুই নাই,  
 বিশাল ভারত গভীর নীরব  
 গভীর আধার যে দিকে চাই ।  
 তোমারো কি বীণা ভারতী জননি  
 তোমারও কি বীণা নীরব হবে ?  
 ভারতের এই গগণ ভরিয়া  
 ও বীণা আর না বাজিবে তবে ?  
 না না গো ভারতী নিবেদি চরণে  
 কোলে তুলে লও মোহিনী বীণা !  
 বিলাপের ধ্বনি উঠাও জননি,  
 দেখিব ভারত জাগিবে কি না ?  
 অযুত অযুত ভারত নিবাসী  
 কাঁদিয়া উঠিবে দাক্ষণ শোকে  
 সে রোদনধ্বনি পৃথিবী ভরিয়া  
 উঠিবে জননি দেবতা লোকে ।  
 তা যদি না হয় তা হলে ভারতী  
 তুলিয়া লওগো বিজয় ভেরী !  
 বাজাও জলদ গভীর গরজে  
 অসীম আকাশ ধ্বনিত করি !  
 গাওগো হতাশপূরিত গান

জ্বলিয়া উঠুক অযুত প্রাণ  
 উথলি উঠুক ভারত-জলধি  
 কাঁপিয়া উঠুক অচলা ধরা ।  
 দেখিব তখন প্রতিভা হীনা  
 এ ভারতভূমি জাগিবে কি না ?  
 ঢাকিয়া বয়ান আছে যে শয়ান  
 শরমে হইয়া মরমে মরা !  
 এই ভারতের আসনে বসিয়া  
 তুমিও ভারতী গেয়েছ গান  
 ছেয়েছে ধরার আঁধার গগন  
 তোমারি বীণার মোহন তান ।  
 আজো তুমি মাতা বীণাটি লইয়া  
 মরম বিঁধিয়া গাওগো গান  
 হীনবল সেও হইবে সবল  
 মৃতদেহ সেও পাইবে প্রাণ ।

দ্বিজেন্দ্রনাথ ঠাকুর



## আর্য্যসঙ্গীত

১

কিবা ! গভীর রজনী হ'ল,      জগত ঘুমায়ে গেল  
    নীরবে মৃদুল নৈশ    সমীরণ বহিল ;  
কিবা ! কুঞ্জে কুঞ্জে নানা জাতি ফুটিল কুমুম পঁাতি,  
    কোমল সুরভি গন্ধে    চতুর্দিক মোহিল !

২

কিবা ! কাঁপিল সরসী নীর,      নব হুর্ষাদল-শির,  
    নব দল তরুণিরে    ধীরে ধীরে নড়িল ;  
কিবা ! কোমল মালতিরাজি,    ঘন কিশলয়ে সাজি  
    নব সহকার-শাখে    মৃদু মৃদু ছলিল !

৩

কিবা ! নীলানন্ত নভতলে,    বেষ্টিত কৌমুদী দলে,  
    অমল সুধাংশু ওই    সুধা হাসি হাসিল ;  
কিবা ! নীরব ধরণী কোলে,    চল নীল সিন্ধুজলে,  
    পর্য্যতে, প্রান্তরে, সর্ব্ব    স্বর্ণধারা ভাসিল !

৪

কিবা ! নীলাভ গগনোপরে      শুভ্র মেঘ থরে থরে  
    ধীরে ধীরে চ'লে, বুঝি    শশধরে ঢাকিল ;

বুঝি,—চাঁদের কিরণ মাখা এ সংসার গেল ঢাকা,  
সোনার ভারত গাঢ় মসীরাশি মাখিল ।

৫

ক্রমে, শ্বেতাশ্বদ কাল হল, আলোক নিবাসে গেল,  
গগন সাগর মাঝে হৈম থাল ডুবিল ;  
ওই,—ডুবে হৈম পুষ্পমালা, ফুরাল ব্রজের খেলা,  
আশামধুস্তের বাতি একেবারে নিবিল !

৬

আহা ! নিবিড় তিমিররাশি, উজ্জ্বল সংসার গ্রাসি,  
চকিতে সুবর্ণপুরি আঁধারিয়া ফেলিল !  
দেখ,—চপলা চমকে ঘন, ঘন ঘোর গরজন,  
ঘন ভীম বজ্র মন্ত্র অগ্নিফুল্কী খেলিল !

৭

একি ? ভূমিকম্পা ভয়ঙ্কর, কাঁপে ক্ষিতি থর থর,  
উথলে গভীর সিদ্ধু, হিমালয় টলিল ।  
পুনঃ,—ভীমদর্পে প্রভঞ্জন, আরস্তিল ভীমরণ,  
নীল ধারাধরে,—ধারা ঝর ঝর ঝরিল !

৮

সঙ্গে, অজস্র করকা ঝরে, মেঘে আশ্ফালন করে,  
ক্রমেই নিবিড় হয়ে আর্ধ্যাবর্ত ছাইল ;  
'হায় ! ক্রমেই দুর্যোগ বাড়ে জানি না কেমন করে,  
' রবে সৃষ্টি ? বুঝি সৃষ্টি ছারখার হইল !

৯

বিধি ! এ ঘোর দুর্যোগ হ'তে আর অব্যাহতি পেতে  
কত দিন ? এবিপদ কত দিন রহিবে ?  
তুমি, জান—কত দিন পরে, যন জাল মুক্ত করে,  
আর্য্যাবর্তে চন্দ্র স্বর্ষ্য পূর্ব মত উঠিবে ?

১০

জান ? এ ভীম দুর্যোগী ঘোর কাল রাত্রি হ'তে ভোর  
কতক্ষণ ? আমাদের দশায় কি হইবে ?  
দেখ, মুত্তমূল বজ্রপাত অসহ্য হয়েছে, নাথ !  
দরিদ্র দুর্বল দেহে আর কত সহবে ?

১১

হায় ! সে কালে প্রভাত হলে পূর্ব গগন মূলে,  
হেমাম্বু কিরীটিনী উবা মূহ হাসিত ;  
আহা ! বিদৌত ভারতাকাশে স্বাধীনতা হাসি হেনে,  
রাগরক্তছটা ভানু আদরেতে ভাসিত !

১২

আহা ; কুঞ্জে কুঞ্জে ফুলে ফুলে, মকরন্দ অলিকুলে  
মোহাগে স্বাধীন ভাবে পিত, নিত, হরিত,  
সেই,—পুষ্পবন কাঁপাইয়া, স্বাধীন স্বভাব নিয়া,  
সুগন্ধি মলয়ানিল মৃদুমন্দ বহিত !

১৩

আহা ! আর্য্যের উদ্যানে সুখে, উচ্চ সহকার শাখে

স্বাধীন দম্পতি পিক কুহ রব করিত !

সঙ্গে,—স্বাধীন পাপিয়াবধু      অবগে ঢালিয়া মধু,  
পিউ পিউ প্রিয়রবে মন প্রাণ হরিত !

১৪

আহা ! স্বাধীন আর্থোরা মুখে,      বিতু-নাম লয়ে মুখে,  
ভাগীরথী দুই তীর আলো করি বসিত !  
কিবা, স্বাধীন গঙ্গার জল,      আশ্ফালি তরঙ্গদল,  
কলকল শব্দে সিন্ধু সনে গিয়া মিলিত !

১৫

আহা ! স্বাধীন শিশুরা যত,      সিংহের সন্তান মত  
মত্ত-করি-শুশু ধরি বীর-খেলা খেলিত ।  
ভীম,—ধনুর্বাণ তরবার      করাল বল্লম আর  
কুস্তিমাত্র খেলা ধূল্য তেজোবীর্ষ্যে ভাসিত !

১৬

বহু,—শতাব্দীর ব্যবধানে      যুগের তরঙ্গ রণে  
ডুবিয়াছে আৰ্য্য মাত্র আৰ্য্যাবর্ত রয়েছে ।  
সেই আৰ্য্যাবর্ত এই      কিরূপে প্রমাণ দেই ?  
নাহি আৰ্য্য, নাহি বীৰ্য্য সমস্তই গিয়েছে !

১৭

আহা ! সমস্ত হয়েছে নাশ,      ভারতের ইতিহাস  
কি আছে ? গিয়াছে সব আৰ্য্যদের সনেতে,  
এবে,—সে যুগের কথা সব,      সমস্তই অনুভব

অনুমান ভিন্ন আর কার আছে মনেতে ?

১৮

সেই,—যুগান্তের ঐতিহাস কালের কবলে আস

হইয়াছে ; কারে কথা শ্রুধাই ? কে বলিবে ?

আহা ! স্বাধীন ভারতে যবে বিজয়-পতাকা শোভে

কে তখন দেখেছিল এবে সাক্ষী হইবে !

১৯

দেখ, এই পুণ্য ভূমি পরে অদ্যাপিও ধীরে ধীরে

বহিছে জাহ্নবীস্রোত বহু কাল হইতে ;

বুঝি,—দেখিয়াছে ভাগীরথী আর্য্যবংশে মহারথী,

স্বাধীন আর্য্যের গৃহে জরদ্বজ উড়িতে !

২০

আমি,—যাই জাহ্নবীর তীরে কাঁদিয়া জিজ্ঞাসি তাঁরে

“ এই কি সে আর্য্যাবর্ত্ত সোনার সংসার ?

হার ! আমরা কি বীর্য্যবান সেই বংশে কুমন্তান ?

বল মা, সংশয় দূর কর মা আমার । ”

২১

বলিতে বলিতে কথা

যুবক চলিল তথা,

যথা বহে ধীরে ধীরে

বিস্তৃত মৈকত পরে,

নিশ্লেজ তরঙ্গ মাথে

জাহ্নবীর স্রোত !

যথায় বিমল জলে

শুখে শ্বেত পক্ষ তুলে

উড়ে ক্ষুদ্র শত শত

ভারতীয় পোত । .



২২

গিয়া জাহবীর তীরে	দেখি যুবা জাহবীরে
অমনি বিষাদ হ্রদে	হল নিমগন ।
হুঃখ উৎস উথলিল	হৃদয় ভাসায়ে দিল,
পড়িল চক্ষেতে জল	তিতিল কপোল তল,
কাঁদিল নীরবে, পরে,	বলিল বচন—

২৩

“একি মা ? কিসের তরে	কাদ্জালিনী মৃত পড়ে
রয়েছ সৈকত ভূমে	মিজ্জীব, অথবা সুমে,
জানি না ; কি লাগি	এবে এ দশা তোমার ?
অন্তিম লক্ষণ মত	দেখিতেছি সকলিত,
তবে কি ত্যাজিবে তুমি	এহুস্থ সংসার ?

২৪

কেন মা ! কি দোষ পেয়ে	আমাদিগে তেরাগিরে,
তেরাগিরে যাবে	দগ্ধ ভারত হৃদয় ?
স্নেহের বাঁধন ছিঁড়ে	পুণ্য ভূমি শূন্য করে
তুমি যদি যাও চলে,	অন্তিমে কে লয়ে কোলে
অভাগা সন্তানদিগে	দেবে মা অভয় ?

২৫

বুঝেছি, ভারত এবে	হৃদগা সাগরে ডোবে,
তাই বুঝি ধীরে ধীরে	আপন মঙ্গল তরে
ত্যাগ্য করি আর্ঘ্যাবর্ত	করিছ প্রস্থান !

স্নেহের এ রীতি নয়,  
অনুকূল হতে হয় এই

হলে পরে দুঃসময়  
সে বিধান !

২৬

নিতান্ত যদিপি যাবে  
বহুকাল হতে তুমি  
প্রবাহিত হইতেছ,  
প্রাচীন আর্য্যেরা যত  
তব তীরে প্রতিদিন

ক্ষণ তিষ্ঠ ; শুন তবে  
উজ্জ্বলিয়া আর্য্যভূমি  
দেখেছ সকল ;  
তব নীরে হয়ে পুত  
জ্বালিয়া অনল—

২৭

যাগ-যজ্ঞ উপাসনা,  
করি নিত্য বিধি মতে  
ভাসাত চন্দনে চর্চ্চি  
পবিত্র অন্তরে দীপে  
বেদপাঠ করিতেন

সম্ব্যাহিক দেবার্চনা,  
তোমার বিমল স্রোতে  
অর্য্য বিল্লদল ।  
কোমল মধুর স্বরে,  
আর্য্যেরা সকল ।

২৮

পরিণামে এই তীরে  
ব্রহ্মাণ্ডের সুখ-স্থান  
ত্রিদিব সুবর্ণ ধামে  
এই তীরে চিতাগ্নিতে  
পতিত পাবনী ! তুমি

তাজি বীর কলেবরে  
নন্দন সৌরভ মান  
গেছে আর্য্যগণ  
আর্য্য দেহ ভস্ম হতে  
দেখেছ তখন ।

২৯

সে কালের কথা যত

আছ তুমি অবগত

তাই আমি মা তোমারে	স্বধাই বিনয় করে,
বল আৰ্য্য-বিবরণ	শুনি সবিশেষ ।
দেবতুল্য তেজোবান	আৰ্য্য বংশে কুসন্তান
কেন মোরা ? কোন্ পাপে	পাই এত ক্লেশ ?

৩০

হায় ! মোরা কোন্ পাপে	কিস্বা কোন্ অভিশাপে
তেজোবীৰ্য্য হারাইয়ে	পরাদীন হীন হয়ে
দাসত্ব-শৃঙ্খল কণ্ঠে	পরেছি না জানি !
কোন্ কর্মফলে হায় !	দাসত্বও মিলা দায় ?
পথের কাদ্যালি হয়ে	ফিরি গো জননি !”

৩১

যুবক নীরব হ'ল	তরঙ্গিনী উথলিল
কাঁপিল সৈকত তীর	মগ্নরিল তরু-শির
টলিল মেদিনী	ঘন টল টল করি !
বহিল শ্বসনে ঘন	শ্লথ স্বসমীরণ
সুগন্ধি কুসুম স্নিগ্ধ	মোরভ আহরি !

৩২

স্বর্গীয় সমীরে ভাসি	নন্দন মোরভ রাশি,
চৌদিক বিধৌত করি	মোহিল ভুবন
তালে তালে সুসিঞ্জিনী,	মধুর মৃদঙ্গধ্বনি,
বীণার নিকর-বেণু,	বাজে বাজে কনু যুহু !
দুন্দুভি শঙ্খের ধ্বনি	হইল তখন ।

৩৩

বিমল প্রবাহ পরে	মেঘ ঢল ঢল করে !
অচল চপলা মালা	ভাসিল তাহার !
চল তরঙ্গের শিরে	কাঞ্চন নলিনী পরে
কাঞ্চন প্রতিমা খানি,	বিশ্ব কুশলিনী ধনী
—ভীষ্মের জননী সুরধুনী	শোভা পায় !

৩৪

কোমল বাঁশরী তানে	অগায় অপরূপ গানে
ভাসিল আকাশ মার্গ	ভাসিল জগত ।
ভাগীরথী ধীরে ধীরে	বলিলেন যুবকরে
“ বৎস ! জিজ্ঞাসিলে যত	আছি আমি অবগত,
দেখিয়াছি তব আর্য্য	আর্য্যের সম্পদ !

৩৫

“ এই আর্য্যাবর্ত পরে,	আছি বহুকাল ধরে
কিন্তু—বাছা ! এবে আর	বাঁচি না জীবনে !
হয়েছি নিজ্জীব প্রায়	শুদ্ধ মমতার দায়,—
পড়ে আছি আর্য্যাবর্তে	শক্তিমাত্র নাহি গাত্রে,
হয়েছি অচল অন্ধ	হয়েছি নরনে !

৩৬

“ শৈল সত্ৰাটের মেয়ে,	শিব মনোহিনি হয়ে,
ত্রিলোক বিজয়ী বীর	ভীম শাস্ত্রার্ণব ধীর—

কুমার বাহার, তারে                      দেখ বাছা দন  
( রুটীশ বাসীরা আসি                      সজোরে সম্মান নাশি  
হৃদে দিয়ে লৌহ স্তম্ভ                      করেছে বন্ধন ! )

৩৭

“ বিষম বন্ধনে হায় !                      প্রাণ ছাড় ছাড় প্রায়,  
কঠরোধ হইয়াছে                      হৃদয় শুকায়ে গেছে  
তবে যে কহিছি কথা না কহিলে নয় !  
আর্যদের সর্বিশেষ                      কহিতে হইবে ক্লেশ  
অতএব যাও বাছা                      যথা ! হিমালয়

৩৮

“ বিনয়ে জিজ্ঞাস তাঁরে                      বলিবেন সবিস্তারে,  
অনন্ত কালের কথা                      আছে তাঁর মনে গাঁথা  
অক্ষয় গিরীন্দ্র, বাছা                      দেখেছে সকল !  
কাল সিন্ধু কতকাল ?                      আছেন অনন্তকাল,  
অনন্ত যুগান্ত হ'ল তবুও অটল !

৩৯

“ অক্ষয় অক্ষুণ্ণ তনু                      গেল হোল কত মনু  
রয়েছে যেমন তাই প্রকাণ্ড ভূধর !  
নৈসর্গিক কোটি শত                      বিপ্লব ঘটিল, কত—  
মক নদী হয়ে গেল,                      সাগর সে মক হোল  
নগর অরণ্যারণ্য হইল নগর ।

৪০

“অতল বারিধি মাঝে      রাজ অট্টালিকা সাজে,  
রাজার ভবন স্থানে      হয়েছে সাগর !  
মোর মত কত শত      তরঙ্গিনী হোল গত  
বসি উচ্চ সিংহাসনে      দেখিছেন হৃষ্টমনে  
চন্দ্র সূর্য্য দিবা রাত্রি,      গিরি অনন্তর ।”

৪১

নিবিল বিদ্যাৎ জ্যোতিঃ      প্রবাহে ডুবিল সতী,  
ভারত সন্তান-দ্রুত চলিল তখন !  
গগন কিরীট, শিরে      তুষার কুমুম থরে  
শোভে, যথা মহাকায়      গিরি শ্বেতাশ্বর প্রায়—  
পাদপ-কুন্তলা ধরা করি আলিঙ্গন !

৪২

হিমালয় সন্নিধানে      উত্তরিয়া কত দিনে  
অনন্ত দুর্দশাশ্রু ভারত সন্তান !  
অমল নির্ঝর তীরে      শ্রম ক্লান্ত কলেবরে  
বিষাদ তাপিত মনে      দীন হীন ক্ষীণ প্রাণে  
বসিল কাতরে, হয়ে অতি ত্রিঃমাণ ।

৪৩

তিষ্ঠি ক্ষণকাল, পরে      অপূর্ব্ব প্রকৃতি হেরে  
ডুবিল হৃদয় তার      শ্রম হেতু দুঃখভার  
লঘু হ'ল যুড়াইল সে দগ্ধ জীবন ।

## ৫২ জাতীয়-উদ্দীপনা।

অপূর্ব আছাদ ভরে                      কহে গদ গদ স্বরে  
“ কি দেখিনু, হেন শোভা দেখিনি কখন । ”

৪৪

“ নিশ্চয় জেনেছি আমি                      সোনার ভারত ভূমি  
বিধাতার প্রিয় স্থান অপূর্ব সদন ।  
নিখিল ব্রহ্মাণ্ড মাঝে যেখানে যে শোভা আছে  
বিধি বুঝি নিজ করে,      বহু ভ্রম যত্ব কোরে—  
আনি এই স্থানে সব করেছে রক্ষণ !

৪৫

“ অক্ষয় অনন্ত ধারে                      ঐশ্বর্যের সীমা কিরে ?  
লুণ্ঠক অনন্ত কাল লুঠিলে এ ধন—  
তবুও না শেষ হবে                      দম্বা যে সে দম্বা রবে  
হবে অপবাদে ক্লেশ                      তৃপ্তির না হবে শেষ  
নিশার বৈভব, উষা, হইবে যখন—

৪৬

“ তখন যে তুমি আমি,—তোমাপেক্ষা ভাল আমি,  
দম্বা সাধু স্বভাবের বিভিন্ন কম্পনা,  
অবশ্য যে বিজ্ঞ হবে                      বাহার প্রতিভা রবে  
কি স্বদেশী, ভিন্নদেশী,      সকলে স্বস্থানে বসি  
করিবে নিশ্চয় তবে ( তুমি করিবে না ! )

৪৭

“ দম্বার স্বভাব যার                      জন্ম জন্ম রক্ষ তার,

সাধু যে সে তাই র'ক স'ক চিরদিন ।  
 চির স্থির কিছু নয় এলো হ'ল কত ক্ষয়  
 পুররবা সে মান্ধাতা তাহারাই গেল কোথা !  
 ইহাত সামান্য কথা হীনাপেক্ষা হীন ,,

৪৮

এতেক বলিয়া, পরে কহিল গম্ভীর স্বরে  
 হে পিতঃ ! অনন্তনীর গগণ কিরীটি !  
 তুষার কুমুম সাজে রৌপ্য বর্ষে তনু রাজে  
 আচ্ছাদি আদরে দীর সুদীর্ঘ বিশাল শির  
 অম্বর ভেদিয়া দর্পে করিছে ভ্রুকুটী !

৪৯

রণেছ ভারত বক্ষে ভারত কুশল  
 অক্ষয় অশান্ত কার, দিন কাল যুগ যায়,  
 সৃষ্টির প্রথম থেকে দেখিছ সকল ।

৫০

অনন্ত সময় সিন্ধু কাঁপি কতবার  
 তুমুল তরঙ্গ ঘায় ভারত বিপ্লব ভায় !  
 অটল অক্ষুন্ন কিন্তু শরীর তোমার !

৫১

প্রত্যেক দিনের কথা আছে তব মনে ।  
 ভারতের পুরাতন সব অনুমান তব .  
 সাহিত্যবিদের কথা মানিব কেমনে ? .



৫২

কেমনে মানিব আমি ভাষার প্রমাণ ?  
 ভাগীরথী তীরবর্তী                      কৃষ্ণবর্ণ স্বর্ষাকৃতি,  
 শর্যোপাধি ধারী হিন্দু ব্রাহ্মণ সম্মান—

৫৩

—আর, দেশান্তরবর্তী রাই নদী তীরে,—  
 শ্মশ্রুধারী শ্বেত কায়,                      দুয়ে এক সম্প্রদায়,  
 এক আর্ষ্যবংশ কবে ছিল যুগান্তরে ?

৫৪

জান কিছু ? মহাকাব্য ! গুধাই তোমারে  
 আরো কত কথা আছে গুধাতে তোমার কাছে  
 আসিয়াছি পিতঃ ! তবে শুন ধীরে ধীরে ।

৫৫

কে আমি ? আমি কি সেই আর্ষ্য বংশধর ?  
 প্রবল প্রতাপে যারা                      শেষেছিল সমাগরা  
 ধরার ভিতরে যারা মহা ধনুর্ধর !  
 যাহাদের পরাক্রমে                      ইন্দ্র, চন্দ্র, বায়ু, যমে  
 আঁটিত না সম্মুখেতে হইলে সময় !  
 যার ঘোর সিংহনাদে                      যার বিহরিত পদে  
 মেদিনী কম্পিত হত টলিত ভূধর  
 যার ভীম তরবারে                      যার বল্লমের ধারে  
 কোথা র'ত রা'ইফল ! চূর্ণিত পাথর

যাদের প্রচণ্ড বাণে                      যাহাদের ধনুর্গুণে  
 বজ্রমন্ত্র মুহুমুহুঃ হতো ভয়ঙ্কর ।  
 কামান সে ভস্মাকারে কোথায় যাইতে উড়ে !  
 আরক্ত আগ্নেয় গোলা যেই রুকোদর  
 খাদ্য ভাবে চিবাইত                      বদন ব্যাদনে শত  
 গিলিত উথারে দিত সমরে অমর  
 কে আমি ? আমি কি সেই আর্য্যের সন্তান ?

৫৬

কে আমি ? আমি কি সেই আর্য্য বংশধর ?  
 বাসব দানব সনে                      অতুল তুমুল রণে  
 হারি বৈজয়ন্ত ছাড়ি মর্ত্তে আধিষ্ঠান—  
 হইয়া যাদের স্থানে                      শশঙ্কে কম্পিত প্রাণে,  
 আশ্রয় লইয়া তবে রেখেছে সম্মান !  
 অতুল বৈভবে যার                      গ্রীক রোম কোন্ ছার ?  
 কুবেরে আনিলে সুখে হত অপমান !  
 যাহাদের জ্ঞান নীতি                      বিচার মীমাংসা রীতি  
 ক্ষতি তলে একদিন আছিল প্রধান !  
 আছিল জগত পূজ্য                      আহা ! সেই চন্দ্র সূর্য্য—  
 —বংশ অবতংশ আর্য্য ! আর্য্যাবর্ত্ত স্থান—  
 বাণিজ্য শিল্পের তরে,                      প্রসিদ্ধ পৃথিবী'পরে,  
 কীর্ত্তিতে ত্রিদিবাপেক্ষা যাহার সম্মান !  
 ধর্ম্মভীক বদান্যতা                      সত্যনিষ্ঠ নিম্মার্থতা,

জগতে ছিলনা যেই আর্থ্যের সমান  
কে আমি ? আমি কি সেই আর্থ্যের সম্ভান ?

৫৭

পিতঃ হিমালয় !

তাই যদি হব মোরা তবে কি কারণ  
হীন বলে, হীন আশে      জীর্ণবাসে কক্ষকেশে  
ছাড়িয়া বীরের বুলি      স্বপ্নে লয়ে ভিক্ষাবুলি  
জঠর অনলে পুড়ি      দ্বারে দ্বারে ভিক্ষা কার  
রাখি কোনরূপে এই দুর্ব্বহ জীবন ?  
ভিক্ষাও মিলে না, ভাগ্যে ঘটে না মরণ ?

৫৮

ভিকারীর দ্বারে—

মুক্তি ভিক্ষা করাপেক্ষা মরণ মঙ্গল !  
মানবহৃদয় যবে      দুর্দশা সাগরে ডুবে  
হিতাহিত-বোধ-শক্তি      নিখরল প্রতিভা জ্যোতিঃ  
সকলই তখন তার      হয়ে যায় ছারখার  
সুন্দর হৃদয় যন্ত্র মলিন বিকল—  
হয় তার ভাল মন্দ সমান সকল !

৫৯

আমাদের তাই !

কি করিব কি হইবে কিসে এ দুর্দশা  
যাবে, তাকে চিন্তা করে ? উদর পোষণ তরে

বিত্রত হইয়া সবে,            দেহি দেহি দেহি রবে  
দাসত্ব-শৃঙ্খল পায়,            ইচ্ছায় পরিতে যায়  
অনেকে তাতেই করে পৌরুষের আশা  
ভাবে না মুহূর্ত্ত জন্য আপনার দশা !

৬০

যাহা হক্ পিতঃ !  
স্মৃষ্টি হতে আছ তুমি ভারত-হৃদয়ে !  
উন্নত ধবল শিরে            অনন্ত গম্ভীর ধীরে  
বিশাল, তেজস্বী নেত্রে দেখেছ এ পুণ্যক্ষেত্রে  
দেখিছ ভারতিগণে            বল দেখি মম স্থানে  
চন্দ্র সূর্য্য বংশ কোথা গিয়েছে নিবিয়ে ?  
কোথা আর্য্য ভস্মরাশি গেছে ধৌত হয়ে ?

৬১

দেখেছ কি তুমি ?  
শ্মশ্রু সরস্বতী তীরে তপোরন মাঝে  
সুরভি মধ্যাহ্ন কালে            ঘনদল তরু মূলে ;  
স্নিগ্ধগন্ধী সমীরণ            সুকথক অনুক্ষণ  
বহিলে, কোকিলা স্রুথে            ঘন পত্র মধ্য থেকে  
ছাড়িলে পীযুষ কণ্ঠে বনশ্রুলা মাঝে  
উথলিলে স্রুধা উৎস ! মহীকহ রাজে

৬২

কানন-বল্লরি !

কোমল কুসুম সাজে মৃদু সমীরণে  
 হুলিলে মৃদুল ধীরে,      দিব্য কুশাসন'পরে  
 বসিয়া অগাধ সুখে      কল্পনার চিত্র লিখে  
 গভীর নিবিষ্ট মনে      বিজন কানন স্থানে  
 সে রুদ্ধ বাল্মীকি যবে পবিত্র জীবনে ?  
 সে যুগের কথা পিতঃ আছে তব মনে ?

৬৩

দেখেছ কি তুমি ?

পর্ণ কুর্টীরের মাঝে জ্বলন্ত অনল  
 প্রচণ্ড তেজস্বী ব্যাসে      জীর্ণ তৃণাসনে বসে  
 ডুবি উদ্বোধিনী ভাবে      শ্লুষ্কচি কল্পনার্ণবে  
 অনন্ত গম্ভীর সুরে      গগন বিদীর্ণ করে  
 অনন্ত রতন গর্ভ সাগর কল্লোল—  
 (ভারত) সঙ্গীত-শ্রোত পবিত্র নিখিল !—

৬৪

ছুটাইতে ? পিতঃ !

দেখেছ কি তুমি সেই প্রতিভা জলধি,—  
 আশ্রম-অরণ্যচারী      ফল কন্দ মূল্যহারী  
 গম্ভীর গৌতম মূর্তি ?      ষাঁর অনশ্বর কীর্তি  
 \*দর্শন মীমাংসা কাণ্ড      অসীম অমিয় ভাণ্ড

যাহার উচ্ছ্রিত মিষ্ট বলি অদ্যাবধি  
ইউরোপ আসিয়ার ভক্ষিছে প্রসাদি !

৬৫

দেখেছ কি তুমি ?

প্রচণ্ড তেজস্বী সেই মনু মুনিরাজে ?  
অগাধ ধীশক্তি বলে ব্রহ্মাণ্ডকে করতলে  
করেছিল যেই জন ব্যবস্থায় বিচক্ষণ  
যার সম হয়নাই হবে যে সে আশা নাই  
তবু জীর্ণ পত্রাহারে বন ক্ষেত্র মাঝে  
অর্গার সুখেতে ছিল বাল্কলের মাজে !

৬৬

দেখেছ কি তুমি

বিশ্বামিত্র বশিষ্ঠাদি আর্য্য গুণনিধি ?  
ভীষণ তেজেতে যারা উজ্জ্বল করিয়া ধরা  
অর্গ সুখ পরিহারি হইয়া অরুণাচারী  
মকমর চরাচরে কাটি কীর্ত্তি পারাবারে  
ব্রহ্মেতে হরেছে লয় তুচ্ছ দেবোপাধি  
দেখেছ কি নে সবারে শৈলেশ গুণধি ?

৬৭

দেখেছ কি তুমি

ভারতীয় কালিদাসে ভাব মুগ্ধ চিতে  
বসি নব মেঘাসনে আশ্রম কুটীরে, বনে

পৰ্বতে, নির্ঝর কূলে পল্লবিত তরু মূলে  
 স্বচ্ছ সরোবর ধারে প্রান্তরে তটিনী তীরে  
 মানব হৃদয় যন্ত্রে সঙ্গীত শুনিতে ?  
 কোমল প্রকৃতি কান্তি যতনে চিত্রিতে ?

৬৮

কণের আশ্রমে

দৃশ্যের প্রেম মুগ্ধা সরলা কামিনী  
 নিদ্রা প্রদোষ কালে কুঞ্জ ক্ষেত্রে আলবালে  
 সিক্তিতে সলিল রাশি নীলোৎপল চক্ষে আসি  
 মৃদু গন্ধবহ ভরে কুসুম পরাগ উরে,  
 প্রবেশে অধীরা শকুন্তলা তপস্বিনী !  
 কোমল কুৎকার দিরা দৃশ্যন্ত তখনি—

৬৯

সে যন্ত্রণা হতে

অব্যাহতি দিয়াছিল সাক্ষী কালিদাস !  
 দেখেছ কি কালিদাসে ? বাহার প্রভূত বশে  
 অনন্ত সাগর নীরে দীর্ঘ প্রতিধ্বনি করে  
 ইউরোপ পূর্ণ করি মোহিল ইংলণ্ড পুরি  
 মোহিল ভাবুকচিত্ত পবিত্র আবাস ।  
 সংস্কৃত রত্নগর্ভ—তাতেই প্রকাশ !

\* \* \* \* \*

ভুবনমোহিনী দেবী ।

# কুকবি ।

১

ঘরা কাড়ি লহ বীণা, হে দেবি ভারতী !

কুকবির কর হতে, এ মম মিনতি ।

মম নিবেদন শু'নে,

অরি দেবি ! মন্ত্র গুণে

কুবংশীর রক্ত তার দেও বদ্ধ ক'রে ;

সহে না কুগীত আর শ্রবণ কুহরে ।

২

মানসসরসে মাতঃ ! ফুটে না কি আর,

সরস কমল কলি, সৌরভ-আধার ?—

সে সৌরভ শিরে ক'রে,

সমীরণ বরে ঘরে

ভ্রমে না কি আর এবে, পূর্বের মতন ?

ভাসে না মরাল সরে আর কি তেমন ?

৩

অনন্ত আকাশপটে, দেব কন্যাগণ

ক্রীড়াকালে করে যেই পুষ্প বিকীরণ,

যে দেবকুমুম দলে,

মানবে নক্ষত্র বলে ;



সে তারকাদল নিশানাথে সাথে ক'রে,  
ফুটে না কি আর এ বিমান সরোবরে ?

৪

সৌদামিনী ঘনকোলে নাহি কিগো হাসে ?  
চাঁদের চাঁদনি যথা নীল জলে ভাসে ।

শুনি জলধর ধনি,

আনন্দে শিখী আপনি

নাচে না কি তরুণাথে পুচ্ছ বিস্তারিয়া ?  
সুবন্ধে এ রঙ্গ কি গো, গেল ফুরাইয়া ?

৫

দিনান্তে অকণ যবে যান অস্তাচলে,  
ছড়াইয়া স্বর্ণরাজি সাগরের জলে—

তা লয়ে তরঙ্গ দলে

খেলিত যে কত ছলে ;

সাগরের তরঙ্গ রঙ্গ সাজ কি এবার ?  
নীল জলে ভানুরশ্মী ভাসে না কি আর ?

৬

আর্য্যজাতি বীৰ্য্যহীন হইল যখন,  
রজত-কীরিট তাজি হিমাদ্রি তখন,

যবনের অগ্নিবাণে,

পাছে শিরোদেশে হানে ;

অনন্ত ভুবারে শির আবরিল তাই ?

হিমাঙ্গির শির-শোভা আর কিগো নাই ?

৭

অক্ষয় ভাণ্ডার তব, হে প্রকৃতি সতি ;

অনন্ত যৌবনা তুমি, চিররূপবতী ;—

যে বলে এ সব ধন

ভারতে নাহি এখন

থাকিতে নয়ন অন্ধ, হায় ! সে দুর্ঘটি ।

ভারতে লাবণ্যপূর্ণ অনন্ত প্রকৃতি !

৮

থাকিতে এ সব ধন ভারতভাণ্ডারে,

কুকবি কুগীতে কেন জ্বালায় আমারে ?

বঙ্ক-কবি ধরি তান,

আদি রসে খাবি খান,

আপনার সর্বনাশ করিয়া সাধন,

বঙ্ক সমাজের করে মরম পীড়ন ।

৯

ভারতে বীরত্ব নাই,—কিন্তু আগে ছিল—

আর্য্যবীর বীর্য্যে ধরা একদা কাঁপিল ;—

গাও তাই, গাও সবে,

গাও সুরমধুর রবে ;

নিবীৰ্য্য ভারতে বীর্য্য কররে সঞ্চার,

বীররসে হিন্দুহিয়া জাগুক আবার ।

১০

না যদি সে গুণ থাকে, তবে বঙ্গ-কবি  
 যতনে আঁক গো, বোম্বে প্রকৃতির ছবি ;  
 ভূধরে, সাগর জলে,  
 মরুভূমে, বন স্থলে  
 ফিরি ফিরি, ঘুরি ঘুরি, যে কিছু দেখিবে,  
 অবিকল সেইরূপ ছবিটি আঁকিবে ।

১১

কি দ্বা সেবি কারমনে কল্পনা দেবীরে,  
 খুলি দেহ নিরয়ের দ্বার ধীরে ধীরে ;—  
 কেমনে পাতকি দলে,  
 নরক অনলে জ্বলে,  
 দেখাও মানবে, যাহা দেখেনি নয়ন,—  
 দেখাইলা কবি গুরু মিল্টন যেমন ।

১২

বঙ্গের মঙ্গল যদি করহ কামনা,  
 এ দিনের নিবেদনে অবজ্ঞা করো না ।  
 জগদেব বিদ্যাপতি,  
 আদি বঙ্গ কবিপতি  
 আদি রসে মজাইলা বাঙ্গালির মন,  
 মজায়োনা আর পুন নব কবিগণ ।

হারণচন্দ্র রাহা ।

## কবির প্রতিজ্ঞা



করিনু প্রতিজ্ঞা মনে আজি সত্য আরাধনে  
ডরি না কাহারে চিত্তে ; অভয়া ভাবিয়া  
এ ঘোর মনের দ্বার দিব রে খুলিয়া !  
কি যাতনা দিবি মোরে ? যাতনা, কে ডরে তোরে ।  
আশীষ বিধে যার দেহের নির্মাণ,  
কি জ্বালা দংশিলে অহি তাহারে অজ্ঞান ?  
তীক্ষ্ণ লৌহ শলাকার অথবা বিঁধিবে কার—  
বিধুক বিঁধিতে দাও—হানিরে তাহার ।  
পোড়াইবে ডুবানলে, অথবা ডুবে জলে,  
অসির প্রহারে কিংবা কাটিবে আঘাত ।  
কাটুক, কাটিতে দাও ? রাখিব বজ্রাঘ  
করেছি প্রতিজ্ঞা যবে এ প্রতিজ্ঞা মম ।  
লেখনী করিবে ধ্বংস আলস্য বিক্রম ॥  
সাধিব ভবের সাধ সাধুক যে সাধে বা-  
দংশুক হৃদয়ে বনে কণী অনিবার ।  
অনল অচল বন্ধ কাটিবে না আর ॥  
শিরায় শিরায় আসি ছুটুক গরল রাশি

সে ত আমি ভালবাসি । আশ্বাসি আশ্বাসে  
 ভারত সংগীত কিন্তু গাইব উল্লাসে ।  
 গাইব নির্ভয় মনে—                      চেতাইব ত্রিভুবনে  
 জাগরে উৎসাহে—যত ভারত সন্তান ।  
 আর কেন নিদ্রা যাও হইয়া অজ্ঞান ॥  
 হতাশা, নিরাশা, আর দেখাবি কি বল ?  
 অভাগা ভারত পুত্রে হতাশা মম্বল ।  
 তোরে রে সেবিয়া আজ    সাধিব আপন কাজ  
 তোরে (ই) আরাধনা আজ প্রতিজ্ঞা আমার ।  
 করিব গরল যোগে    গরল সংহার ॥  
 মরণ আশ্চর্য্য নয় মরিবে সকলে !  
 মরিব দেখিয়া কিন্তু ফলে কি না ফলে ;  
 আজ আরাধনা বলে                      এই ঘোর মরুস্থলে  
 জীবন বাসনা রূক্ষে বাঞ্ছিত রতন ।  
 মাতি মৃদু কল নাদে                      সাধিয়া মনের সাধে  
 ধায় কি না ধায় নদী বিমোহি ভুবন !  
 মরিব মরণ বটে মঙ্গল তখন ।  
 ভরিব আঁধারে আজ আঁধার গগনে  
 দেখিব যতনে বিশ্ব বিস্তারি নগ্ননে ॥  
 কোথায় জ্বলিছে আলো !— সর্ব্বদেশে সর্ব্ব কাল  
 কিংবা এই নীতি, নিত্য নহে পৌর্ণমাসী  
 দিবা শেষে সন্ধ্যা এলে    দিবাকর পড়ে হেলে

পূরবে গরবে ধ্বান্ত বিক্রম প্রকাশি ॥

করে ঘোর তমোময় ; পশ্চিমে প্রকাশ হয়

হীরণ্য কিরণ মালা মণ্ডিত তপন ।

আদি অন্ত অর্থ কিবা কোথা নিশা কোথা দিবা

কেন নিশী কেন দিবা ; করি আলোচন

দেখাব হতাশ হলে কর্ম নষ্ট বুধ বলে—

প্রচারিব সার কথা উল্লাসিত মনে ।

মরিব, মরিতে হবে চির কেবা হবে ভবে ?

ভবিতব্য দ্বার অগ্রে উদ্ঘাটি যতনে,—

দেখাব কতেক শোভা চির সে সদনে ।

রাজা প্রজা ভূত প্রেত অরাতি পীড়ন

পাষণ পরাণে আর কি দিবে বেদন ?

একাকী বিজন বনে বসি কিংবা এক মনে

স্বাধীন মনের ভাব করিব প্রকাশ ।

বিরাগে জীবন কেন করিব বিনাশ ॥

গিরি গুহা মাঝে থাকি হৃদয়ে উঠিলে হাঁকি

প্রলয় পাবক রাশি স্থির কোন জন ?

ছুটিলে চিত্তের বেগ জানিবে ভুগুন ।

দামিনী ছুটিয়া যায় কে রাখে নিবারি তায় ?

পরশে সকলি হয় অগ্নিরাশি ময় ।

পবন নিশ্বস মনে আতঙ্কি জগত জনে .

এ অগ্নি ছুটিলে পরে কি আছে সংশয় ।

অবশ্য জ্বলিবে আৰ্য্য সম্মান হৃদয় ।

জোর যবে বাঁধি বলে রাখিলা হিম-অচলে

সে প্রমিথিয়সে, যথা সেই মহাবীর

শত যুগ ধরি বলে দেবেন্দ্র যন্ত্রণা দলে

হাসিলা সগর্বে ; ধীর চিতে হয়ে ধীর ।

মহীর যাতনা সব শব রূপে আজি সব

ভুলিব না এ প্রতিজ্ঞা তথাপি কখন,

কালে উগারিবে গিরি কাল হতাশন ॥

এই উপএই যত কত কাল এই মত

পরিবেষ্টি প্রভাকরে করে পর্য্যটন ।

বার তিথি মাস হায় ঋতু ছয় আসে যাহ

কত কাল এই মত করিব দর্শন ।

তরঙ্গে অদ্ভেতে মাখি, গভীর গর্জনে হাঁকি

কত কাল চক্রাকারে ভ্রমে রত্নাকর ।

কত কাল ধরণীরে রাখেন বাম্বুকী শিরে

কত কাল এই মত চলে চরাচর ॥

করিব দর্শন আর কত কাল এ প্রকার

ভ্রমে ভ্রমে আৰ্য্য পুত্র ভুলি সমুদয় ।

এ সব দেখিব যবে ত্যজিব জীবন তবে—

মন স্মখে মহোন্মাসে মাধি বাসনায় ।

মরণ স্মখের বটে—মন্নিতে যে পায় ॥

তেজ বীৰ্য্য বলহীন ক্ষুদ্র চিতে অনুদিন

করে সেবা আসি ভবে জড়তা জঞ্জালে  
 ঘুরিয়া অন্নের আশে তাজিনু অবনো বাসে  
 গৌরব গরিমা লোপ করি এক কালে ॥  
 জগদীশ ! যেন আর এইরূপে বারে বার  
 হয় না সংসার বনে করিতে ভ্রমণ ।  
 মুকীর্তি শশাঙ্কে আঁকি শারদ গগনে রাখি  
 বারেক পাই হে যেন তাজিতে জীবন ॥  
 এই বাঞ্জা অহর্নিশ হৃদয়ে হে জগদীশ  
 উৎসাহ সাহস দেহ ভারত নন্দনে ।  
 ভারত আকাশে রবি মণ্ডিত বিমল ছবি  
 মরি যেন হেরি নাথ দিনতি চরণে ॥  
 হরিনোহন মুখোপাধ্যায় ।

## বীণা

বাজরে গাভীরে বীণা একবার,  
 ভারতের জয় করোরে ঘোষণা,  
 জলদ নির্ঘোষে উঠাও স্বাক্ষর,—  
 ঘোর রবে বীণা বাজরে আমার !  
 ওরে, তন্ত্রি, রাখ প্রেম গুঞ্জরণ,  
 বিরহের গান যোগ না এখন ;  
 মৃত সঞ্জীবনী সংগীতি উঠাও,



জাগাও, নিদ্রিতা ভারতে জাগাও,  
 সে গম্ভীর নাদে ডুবাও অশ্বর,  
 কাঁপাও জলধি, পর্বত, কন্দর,  
 কর মৃত দেহে শোণিত সঞ্চার,—  
 ঘোর রবে বীণা বাজরে আমার !

মার এ দুর্দশা দেখা নাহি যায় !  
 সকল (ই) জাগিল, উঠিয়া বসিল,  
 মহিমার তাজ মাথায় পরিল,  
 ভারত কি তবে—প্রাণ ফেটে যায়—  
 ভারত কি তবে রহিবে নিদ্রায় ?  
 ভারত কি তবে লুটাবে ধূলায় ?  
 ধ্বনিত করিয়া কানন কান্তার  
 ঘোর রবে বীণা বাজরে আমার !

বাজ ঘোর রবে ঘন ঘন, বীণ,  
 গাও, 'চিরদিন রবেনা কুদিন,  
 হে ভারতবাসি ! হে আৰ্য্যাতনয় !  
 চেয়ে দেখ প্রাচী আজ প্রভাময় ;  
 নিদ্রা পরিহরি উঠ ত্বর করি,  
 পোহাইল তব কাল বিভাবরী ;—  
 এই কি সময় নীরব থাকার ?  
 ঘোর রবে বীণা বাজরে আমার !

ঘরে ঘরে যাও, আৰ্য্য গুণ গাও,

ভারত-সংগীতে দিগন্ত ডুবাও ;

আর্য্য-হৃদি রূপ শুষ্ক সরোবরে

আশার তরঙ্গ আবার উঠাও ;

গর্জে সিংহ বথা বীর-অবতার,

খোর রবে বীণা বাজরে আমার !

প্রবেশি কাশ্মীরে কহ মহারাজে,—

মহারাজ ! তব এ বেশ কি সাজে !

তোমার কাশ্মীর ভারত নন্দন,

কোন্ মহাকূলে তোমার জনম

দেখ, মহারাজ, দেখ ভেবে তাই,

কি ভাবিছ বসে ? কি করিছ ছাই ?

ভারত গৌরব করিতে উদ্ধার

উঠ একবার ! উঠ একবার !—

খোর রবে বীণা বাজরে আমার !

গিরি জয় পুরে, উদয় নগরে,

গাও তন্ত্রি মোর উচ্চতম স্বরে

সূর্য্যবংশযশঃমহিমার গাঁথা,

উচ্চার গভীরে ‘ইক্ষাকু,’ ‘মান্দাতা,’

‘সগর,’ ‘দিলীপ,’ ‘রঘু,’ ‘অজ’—ধীর

‘দশরথ,’ ‘রাম’—অদ্বিতীয় বীর ;

গাও গত শোভা রাজপুতনার,

খোর রবে বীণা বাজরে আমার !

কেবলু, কর্ণাট, মগদ, কোশল,  
 মৌরাহী, পাঞ্চাল, উজ্জীন, উৎকল,  
 যমুনা, জাহ্নবী, নন্দ্যদার তটে,  
 বিষ্ণা, হিমাচল, দক্ষিণের ঘাটে ;  
 সিন্ধু-উপকূলে তরঙ্গ গর্জনে  
 মিশাইয়া তব সুগভীর স্বর,  
 হেমন্তে, বসন্তে, গ্রীষ্ম বরষায়,  
 দিবা দু'প্রহরে, গভীর নিশায়,  
 ভারত সংগীত,—সুধার আধার,  
 ঢাল, তন্ত্রি মোর, ঢাল অনিবার ;  
 মৃত ভারতের দেহ প্রাণদান,  
 জাগাও নিদ্রিত ভারত সন্তান ;—  
 ইত সময়, বাজ একবার  
 ঘররবে, বীণা, বাজরে আমার !

নীরব কি রব ? নিরাশ কি হব ?  
 এ অসহ্য জ্বালা চির দিন সব ?  
 চির দিন মাঝে কাঁদিতে শুনিব ?  
 চির দিন মারে মলিন হেরিব ?  
 চির দিন মার মুখে হাহাকার ?  
 চির দিন মার চক্ষে লত ধার ?  
 একি দেখা যায় ? একি শোনা যায় ?  
 ভারতের কেহ নাহি কিরে, হয় ?

রাজেন্দ্রানী কিরে ভিখারিণী আজ ?

আর্য্য-মাতা যিনি তাঁর এই সাজ ?

এমন নির্দয় বিধির হৃদয়,

ওরে, তন্ত্রী, তোর এইত সময়,

প্রাণপণে আজ বাজ একবার,

ঘোররবে বীণা বাজরে আমার !

সুধার সুধারা ঢেলো না রে আর,

তাতে জাগিবে না জননী আমার ;

‘ মেঘ মল্লারের ’ নহেরে সগর,

‘ বসন্ত ’ ‘ হিন্দোলে ’ তোষে না হৃদয় ;

জ্বলন্ত ‘ দীপক ’ ধরিয়া এখনি

জ্বাল চারি ভিতে উৎসাহ অনল,

মৃত ভারতের হেম মূর্তি খানি

সে অনলে পুড়ি কর রে উজ্জ্বল,

সে অনলে পুড়ি কর ছার খার

আলস্য, জড়তা—দৈত্য হুঁচুচার,

সে অনলে পুড়ি কর ছার খার

বিলাসি বাজ্জালি—আর্য্য দুলাঙ্গার ;

সে অনলে পুড়ি কর ছার খার

স্মৃতি বিরচিত সহস্র বর্ষের

ভারতেতিহাস যন্ত্রণার সার ।—

ছাড়ি অনালাপ বাজ একবার,  
ঘোর রবে বীণা বাজরে আমার !

ভারত-খাগুবে সবে মিলে আজ  
উৎসাহ-অনল প্রজ্জ্বলিত কর,  
সে অগ্নিকুণ্ডেতে করিয়া বিরাজ  
শ্লিষ্ট কর সবে দগ্ধ কলেবর ।  
সে অনল-শিখা করিয়া গর্জন  
হিমাদ্রির চূড়া পরশিবে যবে,  
সে অনল-শিখা ভারত মাগরে  
বাড়বাগ্নি যবে বর্ধিত করিবে,  
সে অনল যবে তর্জ্জন করিয়া  
আনন্দে করিবে ব্যোম আলিঙ্গন,  
দেখিও রে তাহা নীরবে বসিয়া  
রোম দগ্ধ নীরো দেখিল যেমন ;  
কিন্তু যত দিন মায়ের এ দশা  
এ মহী-মণ্ডলে কি মুখ তোমার ?  
ভাজ নিদ্রা, তাজি তুচ্ছমুখ-আশা  
ঘোররবে বীণা বাজরে আমার !

দীনে শচরণ বন্দু ।

## উদ্দীপন ।



ঘোর ঘোঁহ-নিজামত ভারত-নন্দন !  
জলদ গম্ভীর স্বরে,                      ডাক ভারতের নরে,  
সচেতন আর যত জীব অগণন ।  
কোকিল মধুর রবে,                      জাগাও নিদ্রিত সবে,  
হইবে ভারতে তাহে নব অভ্যুদয় ।  
বীরতা, শোণিত সনে,                      হস্ত পদ সঞ্চালনে,  
বহিবে শরীরে বেগে ; ভারত তনয়—  
ছুটিবে রূপাণ করে,                      ভারতের বক্ষ'পরে,  
অরাতির শিরশ্ছেদ করিতে সকলে,  
যে শত্রু কোশল বলে,                      দিগ্নিয়া শৃঙ্খল গলে,  
শাসিতেছে ভারতেরে এই ধরাতলে !  
বিদারি ভারত হিয়া,                      পবিত্র শোণিত নিয়া,  
যে শার্দূল স্বীয় ক্ষুধা করিতেছে দূর,  
শাসিবারে হেন অরি,                      সবে আজ প্রাণ ভরি,  
জাগাতে ভারতে ডাক গম্ভীর মধুর !

২

ইন্দ্র-জাল-জাত এই নিদ্রা একবার,  
যদি ভাঙ্গে সবাকার,                      অবশ্যই তবে আর,  
করিবে না কভু সহ্য শত্রু-অত্যাচার !

কি মন্ত্ৰেতে শত্রুগণে,      জানি না ভারত-জনে,  
 তুলাইয়া রাখিয়াছে জানি না সন্ধান ।  
 অহো ! কি দুঃখের কথা,      বলিতে মরমে ব্যথা,  
 স্নেহ-পদতলে আজ আর্থ্যের সন্তান !  
 বাহাদুরের কীর্ত্তি কথা,      শুনি আজো যথা তথা,  
 অনন্ত-বিস্তার এই অবনী মণ্ডলে ।  
 তাঁদের সন্তান চরে,      সিংহের সন্তান হয়ে,  
 কি কুহকে ! অই পড়ে ফেঁক-পদ-তলে !

৩

বহরে উজ্জান আজি যমুনা লহরী ।  
 কুলু কুলু কুলু স্নরে,      পূর্ব মত গীত ধরে,  
 যখন খেলিত ব্রজে রাধার স্ত্রীহরি ।  
 পশু পক্ষী মিলি সবে,      ডাক্তরে গম্ভীর রবে,  
 জাগাইতে ভারতের নিদ্রিত সন্তান ।  
 আমি ক্ষুদ্র কবি হয়ে,      ক্ষুদ্র এই কণ্ঠ লয়ে,  
 প্রাণপণে ডাকিবরে হয়ে এক তান !  
 কাঁপবে ভীষণ রবে,      সমুদ্র পার্বত সবে,  
 বাহিবে সে রব, বায়ু স্রুত গগনে ।  
 জয়ক-স্বভাব যত,      নরপতি শত শত  
 কাঁপবে কিরীট খসে পড়িবে চরণে ।  
 রামলাল চক্রবর্তী ।



# কোকিল ।

১

ধিক্ সে কবিরে—ছার কবিঘে তাহার !  
কোকিলের রবে প্রাণ পাগল যাহার ।  
এক মনে এক প্রাণে, শুমেছি কোকিল তানে ;—  
হেরেছি ময়ূর নৃত্য কদম্ব কাননে,  
নব নীল নীরধর নিরখি গগনে ।  
জারোহী কম্পনা রথে, ভ্রমিয়া বিমণি পথে,  
অপ্সরী কিন্নরীকূলে করেছি দর্শন ;—  
মোহন সংগীত কত করেছি শ্রবণ ।  
মঞ্জুল নিকুঞ্জ বনে, বসন্তে কান্তের মনে,  
দেখেছি রমণীগণে করিতে বিহার—  
শুনেছি তাদের গীত—সুতান বীণার ।  
দেখেছি সকলি তাহা, দেখিবারে বিশ্বে বাহা ;—  
হয় নি কখন তায়, আনন্দ উদয় ।  
এ ছার কোকিল গানে, কি স্রুখে আনন্দে প্রাণে ?  
কি স্রুখে, জানি না, আজ নাচিবে হৃদয় ?  
তালে তালে মিলাইয়া যে সুর নরমে গিয়া,  
হৃদতন্ত্রী দলে বলে বিভাড়িত করে,  
তাতেই, জানিত, প্রাণ নাচে প্রেম ভরে ।



২

কোকিল-কাকলি কই মরমে ত যায় না !  
 মরমে-মরমে পশি পরাণে নাচায় না ।  
 মলয়-হিলোল প্রায় ভাসি ভাসি যায় হায়,  
 কখন অন্তরে মিশে অন্তরে নাচায় না ।  
 গভীর ভাবেতে আসি, গভীর পবনে ভাসি,  
 গভীর হৃদয়ে কই তরঙ্গ উঠায় না,  
 কোকিল-কাকলি কই মরমে ত যায় না !

৩

● পুরুষে পারে না পিক মেয়েরে তুলায় !  
 নারীর হৃদয় হায়, দর্পণ বা নীর প্রায়,  
 মলয় মৃহলে ছলি লহরী উঠায় ।  
 নীরে নীরে মিশে যায় !— পাষাণ কি টলে তার ?  
 উঠে প্রতিধ্বনি হলে পাষাণে পাষাণে  
 তাড়িত স্বর্ণ বেগে !— উঠে অগ্নিরাশি রেগে !  
 কেন এ পিকের গীত বাজবে পরাণে ?  
 তাড়িত করিয়া অঙ্গ, মোহ-নিদ্রা করি ভঙ্গ,  
 লঙ্কার ঝঙ্কার ভীম উঠাবে বিমানে ।

৪

কি দোষ তোমার কবি, রুখা এ গঞ্জন !  
 রমণী অধিক বীর বাঙ্গালি এখন !  
 প্রেম-রস গলাইয়া, প্রেম-রস মিলাইয়া,  
 মধুর প্রেমেতে যবে তোমার গঠন,

ভুলিবে কিরূপে তুমি সে প্রেমরতন ?  
 কাজেই তোমারে হবে,      ভুলিতে কোকিল হবে,  
 কাজেই নাচিবে তুমি প্রেমের হিম্মোলে—  
 প্রফুল্ল পদ্বিনী যথা তরঙ্গের কোলে ।  
 কাজেই গাইতে হবে,      কোকিল কাদনি হবে,  
 প্রিয় প্রিয় প্রিয়-রস প্রমদা প্রমোদ—  
 কাজেই প্রেমেতে তব বাড়িবে আমোদ ।  
 কাজেই দাক্ষণ শীতে,      প্রেমে বিশ্ব মাতাইতে,  
 প্রেমের উদ্যান হবে রচিত্তে তোমায় ;  
 প্রম-সরোবর নীরে,      মাজাইতে নলিনীরে,—  
 হেলাইতে হুলাইতে নাচাতে তাহার ।  
 কাজেই প্রেমের কুলে,      প্রেমের প্রসাদে ভুলে,  
 প্রেমের উদ্যানে ভুলে প্রেমের মালায়,  
 পরাতে হইবে গাঁথি প্রমদা গলায় ॥

• ৫

রাস রসময়ী রাধা রসের তাণ্ডার  
 কাজেই বাসিবে ভাল বদন তাহার ।  
 কাজেই তাহার সনে,      ভ্রমিবে নিকুঞ্জ বনে,  
 কোকিলে লইয়া গাই ললিত বাহার ।  
 কাজেই কোকিল, কবি, প্রিয় হে তোমার ।

• ৬

কই ত কোকিল ডাকে মানস ভুলায় না !

কই ত কোকিল ডাকে ভুবনে হাসায় না !  
 এই ত হুমাস ধরে,                      চিরি কণ্ঠ তার স্বরে,  
 ডাকিল কোকিল কত—নাচিল ক জন ?  
 সেই ত অলসে সব নিদ্রায় মগন ।

৭

কোকিলের ডাক শুনে প্রেমেতে ভাসিয়া,  
 নেচেছে অনেক বঙ্গ—                      নেচেছে করিয়া রঙ্গ,  
 নেচেছে প্রেমের মালা গলার পরিয়া ।  
 কিন্তু ও কোকিল ডাকে নাচে নাকো আর ।  
 প্রেমেতে না প্রেম আছে,                      নাম মাত্র রহিয়াছে,  
 সে প্রেমে, প্রেমিক কবি, এ রঙ্গ অপার,  
 নাচে না হাসে না ওরে,                      কাঁদে না প্রেমের ঘোরে,  
 ডেক না কোকিল ডাকে মিনতি আমার ।

৮

অনেক প্রেমের খেলা হয়েছে হেথায় ;  
 জর জর প্রেমবিষে হায় সমুদায় ।  
 কেবল প্রেমের দায়,                      ভারত ডুবেছে হায় ;  
 তবু কি, প্রেমিক কবি, পুরে নি বাসনা ?  
 আর ঘোর প্রেমধূমে,                      না শাতাও আৰ্ধ্যভূমে,  
 গেথ না প্রেমের মালা এ মম কামনা ।

৯

কোকিল মরিবে কবে,                      বসন্ত সে ভস্ম হবে,

শুকাবে কমল খুঁই মল্লিকা মালতী  
 চাক তরু, মগ্ন কুণ্ড, কাঞ্চন ব্রততী !  
 কবে রে ভারত ভূমি,                    হইবে শাশান ভূমি,  
 কবে রে সৌন্দর্য্য তব হবে ভস্ম প্রায় ।  
 ভস্ম কর চণ্ডীদাসে,                    পাঠাও তাহার পাশে,  
 বিদ্যাপতি জ্ঞানদাস গোবিন্দ গাঁথায় ।  
 পোড়াও রমনীগণে,                    সহিত যৌবন ধনে,—  
 ভুল রে ভুল রে সবে চাতুরী তাহার ।  
 যুজ্বুরের ঘুর ঘুর,                    হুপুরের কণ কণ,  
 কঙ্কণের কণ কণ—ভ্রমর ঝঙ্কার—  
 ভুল রে বাজালি কবি মিনতি আমার ।

১০

কে আছে গভীর সুরে,                    গাও গীত তান পুরে,  
 বাজারে হুন্ডু ভী তেরী গভীর নিশ্বনে ।  
 ভীম বজ্র করতলে,                    ক্রুরে সংগ্রাম স্থলে,  
 দানবে দেবেন্দ্র ইন্দ্র দলিলা চরণে ।  
 কেমনে পাণ্ডব চর,                    অশ্বমেধে ছাড়ি হয়  
 ত্রিপুর করিলা জয় বিক্রম প্রচারি ?  
 অর্ষালক্ষ্মী বৈদেহীরে,                    লজ্জিয়া অগাধ নীরে,  
 উদ্ধারিলা রামচন্দ্র রাবণে সংহারি ?  
 ধ্বনিতে ধমনী ফুটে,                    সে গীতে পাষণ ছুটে,  
 দেখিব কোথায় নাহি ধায় গরজিয়া ।

দেখিব সংসারে কেবা না উঠে নাচিয়া ?  
 অচল এ অদ্বি রাজি,      দেখিব কেমনে আজি,  
 দেখিব অচল ভাবে থাকে এ প্রকারে ?  
 মাতে কি না মাতে ধরা দেখাব সবারে ।  
 শুন হে নবীন কবি,      না তোল প্রেমের ছবি,  
 কবি হতে যদি আশা হৃদয়ে প্রবল ;  
 প্রমত্ত মেলের পাশে,      কিরূপে দামিনী হাসে,  
 তোল হে তোল হে কবি সে ছবি বিমল—  
 দেখিবে হাসিবে মুখে গগন ভূতল !  
 অলস অবশ জন,      তাড়িত হৃদয় মন  
 নাচিবে নাচিবে রক্তে নাচায়ে ভূতল ।  
 ভ্রমিও না ভ্রম বশে,      কোকিলে না মন রসে ;  
 নয়ন কটক কাল কোকিল সকল ।  
 বীর রসে পূরে তান,      গাও হে বীরের গান,  
 নাচিবে জড়ের প্রাণ—তারে যে প্রকার,  
 বিহ্বাতের গতি,—কবি,—মিনতি আমার ।  
 হরিমোহন মুখোপাধ্যায় ।



## আর কি আছে ?

১

কিবা আছে আর—

এ ভারতে দিন দিন,      হতেছে সকল ক্ষীণ,  
বাড়িছে কেবল মাত্র দিন দীনতার ;  
অর্থ ভূমি ভারতের কিবা আছে আর ?  
হিমাদ্রি শিখর হতে,      ভারত জলধি স্রোতে,  
দুঃখের প্রবাহ বেগ ছুটে অনিবার ;  
ভাসে হিন্দুজাতি তার, (না জানে সঁতার !)

২

কিবা আছে আর ?

তৈল হীন দীপ প্রায়,      নির্বাণ উন্মুখ হায় !  
জ্ঞানের উজ্জ্বল আলো কেবল আঁধার  
ভারতীর মুখ ঢাকি পশিল আবার,  
ভারতের অন্তস্তলে ;—      ভারত সাগর জলে,  
ডুবায়ে—নিবায়ের জ্যোতিঃ সভ্যতার  
উঠিল তুমুল ঝড় ভারতে আবার !

৩

কিবা আছে আর ?

ভারতের শোভা যত,      সকলি হইল হত,

মরুভূমি প্রায় এবে ভারত—সোনার !

ছায়া, জল, তৃণদল কিছু নাহি আর !

কিছু নাহি গেছে সব,      বিপুল গৌরব রব ;

ভারত সম্মান সব শবের আকার !

কিবা আছে আর্ধ্যভূমে শোভার আধার ?

৪

কিবা আছে আর ?

নাহি সৌধ সুশোভন,      সারি সারি অগণন

হিন্দু-বৃপ-নিকেতনে শোভার ভাণ্ডার ।

একেবারে হইয়াছে সব ছার খার ।

বিনোদ বিহার ক্ষেত্র,      দৃষ্টি যাত্রে মুখী নেত্র,

নাহি সে প্রমোদবন—রচনা—মাগার !

কীর্তি-লোপী কাল সব করেছে সংহার !!

৫

কিবা আছে আর ?

দেবালয় কত শত ;      কত মূর্তি প্রতিষ্ঠিত

কত ঘটা কত জাঁক হইত পূজার ।

( ছিল ভক্তি পূর্ণ আর্ধ্য-হৃদয় ভাণ্ডার )

সজ্জিত তোরণ পর,      নানা বর্ণ মনোহর,

উঠিত পতাকা কত সংখ্যা করা ভার,

শ্বেত পীত লাল নীল বিবিধ প্রকার !

৬

কোথায় সে সব ?

হায় চিহ্ন মাত্র নাই      কিছু না দেখিতে পাই  
 স্বপ্নের কল্পনা প্রায় হৃদয়ে উদ্ভব ।  
 এই কি “ ধর্মের জয় ” লোকে বলে সব ?  
 কোথা দেব প্রতিকৃতি ? কোথা হিন্দু নবপতি ?  
 কোথা সে সম্পদ মুখ, বিবিধ উৎসব ?  
 বাজে না হিন্দুতি ভেরি,—সকলি নীরব !

৭

কিবা আছে আর ?

শৌর্য্য বীর্য্য বুদ্ধি বল,      সব গেছে রসাতল,  
 রতি মতি রীতি নীতি আচার ব্যাভার,  
 যাহা ছিল, গেছে সব, চিহ্ন নাই তার ।  
 যোর দেশাচারানলে      ভারত ভবন জ্বলে  
 জনেক মহায় নাই করিতে উদ্ধার !  
 রত্ন গ্রন্থ আর্ষ্য ভূমি পুড়ে ছার খার !

৮

গিয়াছে সকল !—

বীরত্ব ধীরত্বধাম—      ভারতের পরিণাম,  
 এই শেষ ? হায় শোক বাড়িছে কেবল ।  
 কে জ্বালিল হিন্দু কুলে বিগ্রহ অনল ?

৮



একভায় ছিল যবে,                      হিন্দু নরপতি সবে,  
 ছিল ভারতের মুখ কতই উজ্জ্বল ।  
 এখন মলিন, যথা সন্ধ্যার কমল ।

৯

কোথায় সে দিন ?

যখন যবন আসি,                      সময় তরঙ্গে ভাসি,  
 -ভারতের সুন্দরতা করিতে বিহীন—  
 সিদ্ধু তীরে ডেরা ফেলি হলো সম্মুখীন ?  
 হায় কত শত বার,                      হিন্দু স্থানে মানি হায়  
 আর্ধ্য-ভুজ বলে নারি করিবারে ক্ষীণ,  
 পলাইল কতবার যবন প্রাচীন ।

১০

একতা বন্ধন—

সুদূত যখন ছিল,                      কতবার এসেছিল  
 ক্ষত্রকূলে কালি দিতে দুরাছা যবন ।  
 এই রাজ্য স্থানে, সঙ্গে সেনা অগণন ।  
 রাজপুত্র বাহু বলে                      বিধর্ম্য বিপক্ষ দলে,  
 কতবার করাইয়া সমরে শমন,  
 বংশের গৌরব সবে করেছে রক্ষণ ।

১১

কতই বিক্রম—

ভারতের ছিল হায় !                      স্মরিলে ফাটিয়া যায়

এহুদয়—সে সস্তাপ নহে উপশম ।

মনে হলে মনোরঞ্জন না হয় সংযম ।

ভারত মহিলা যত,                      তাদের বীরতা কত

দেশ হিঁতৈষিনী তারা, নারীর উত্তম ।

আর্য্য কুলে ধন্য ধন্য তাদের জনম ।

১২

আশ্চর্য্য কখন—

কে কোথা শুনেছে হায়,                      স্বদেশ রক্ষণ দায়,

মুকেশিনী কেশ রাশি করিয়া ছেদন,

দিয়াছে ধনুর গুণ করিতে বন্ধন ?

মায়ুদের আক্রমণে,                      ভারত রমনীগণে

সহিয়াছে কত ক্রেশ করি প্রাণপণ ।

কেশ, বেশ, ভূষা দিবে জিনিয়াছে রণ ।

১৩

কত বীর্ষাবতী—

করে ধরি শরাসন,                      করিয়াছে ঘোর রণ,

নারী কুলে কত তারা রেখেছে মৃত্যুতি

সম্মুখে সংগ্রামে পশি বিপক্ষ সংহতি ;

কত কল কুলবতী,                      সংসার উপেক্ষী সতী,

ধর্ম্ম রক্ষা হেতু কোলে করি মৃতপতি,

চিতার অনলে প্রাণ দিয়াছে আত্মতি !

১৪

কেন বিসর্জিলি—

অরেরে নিদয় বিধি,      এ হেন প্রতিমা নিধি ?  
 অকালে ভারতে কেন বিজয়া আনিলি ?  
 অর্ধাকুল দেবী মুক্তি কেন ভাসাইলি ?  
 শূন্য দেবালয় মাত্র,      গোটা কত বিঘ্নপত্র  
 শুকান ফুলের পাশে ছড়ারে রাখিলি ।  
 ভারত রমণী মণি তঙ্করে অর্পিলি ?

১৫

কিছু নাই আর !

দুর্বল হৃদয় মাঝে,      দরিদ্রতা শেল বাজে,  
 শৃঙ্খলের গুরু ভারে পা বারান ভার ।  
 ভিক্ষার তণ্ডুলে হয় দিনান্তে আহার !  
 অতুস ঐশ্বর্য রাশি,      লুটেছে দস্যুরা আসি,  
 উঠিয়াছে রোদনের ধনি হাহাকার ।  
 সোনার ভারত ভূমে কিবা আছে আর !

যোগেন্দ্রনাথ বন্দ্যোপাধ্যায়



## দেশ-পাঠন ।



১

তাজিরা জনম ভূমি—শৈশবে যথায়  
শুইরা জননী-অঙ্কে স্রব্ধের স্বপন  
হেরিতাম অগণন, মৌদামিনী প্রায়  
খেলিত হাসির ছটা বদনে যখন !  
তাজি সেই পুণ্য-ভূমি—জনমের স্থান,  
তাজি পরাণের জন ; সংসার-বন্ধনী  
ভাটবন্ধু পরিজন, ছদরের ধন,  
অমিতেছি দেশে, দেশে, দিবস রজনী !

২

যমুনা, জাহ্নবী—দৌহে প্রবলা সতিনী !  
আরম্ভি গর্জ্জন ঘোর হিমাদ্রি-শিখরে,  
ক্রোধে স্ফোতবক্ষ হ'য়ে, যেন উগাদিনী,  
মিশিছে তুর্নুল যুদ্ধে যে পুণ্য প্রান্তরে !  
হেরিয়াছি সেই তীর্থ কীর্তিত পুরাণে,  
হেরিয়াছি যমুনার সেতু মনোহর,  
হেরিয়াছি দুর্গশ্রেষ্ঠ গঠিত পাষাণে ;  
তবে কেন হিয়া মোর দুঃখে জরজর !

৩

ছাড়ি সেই পুণ্যস্থান যাইবু তথায়,  
 যথা সুবিশ্রুত তাজু—শিপের সোহাগ !  
 অহঙ্কারে, উচ্চশিরে দাঁড়াইয়া হায় !  
 স্বর্ণকুন্ত শিরে ; পদে ( রজতের রাগ )  
 যমুনা হুঃখিনী বালা তিতি অশ্রুণীরে,  
 গাইছে হুঃখের গান—ভারত-রোদন !  
 শুবিছে আপনি ক্রিতি সে স্রোত অস্তরে !  
 অভাগা ভারত-বাসী না করে অবগ ।

৪

শুনিলে কেনবা ? হায় ! শুনিলে কেমনে  
 আনন্দে দাসত্ব-সুখা করিবেক পান ?  
 নিয়ত চরণে-রেণু শিরসি এহণে  
 কেমনে ভাবিলে চিতে পরম সন্মান ?  
 শুনিলে যে যমুনার ককণ রোদন,  
 ভারতের পূর্ষদিন হৃদয় আকাশে  
 আপনি আসিয়া হায় দেয় দরশন !  
 এ দাস-জীবনে হুগা আপনি প্রকাশে !

৫

যমুনার কলনাদ, গর্জনের সনে,  
 ভারতের কত কীর্তি রয়েছে গ্রথিত,  
 কেমনে জানিলে সেই, জেতার চরণে

যেই জন স্তুতিমালা অর্পিছে নিয়ত ?  
 কেমনে জানিবে সেই, করিছে যে জন  
 মহাশয় বলিদান পর পদতলে ?  
 এহেন ভাবনা-পুঞ্জ হইয়া মগন  
 ফিরিলাম ; কোথা মুখ শিম্পীর কোশলে !

৬

ছাড়ি তাজ্ উপনীত প্রাচীন দিল্লীতে,  
 পঞ্চকোশাধিক স্থান ব্যাপিছে যথায়  
 ভয়-হর্ষ্য-অবশেষ, অতুল মহীতে ।  
 যমুনা চরণ-তলে কাঁদিয়া লুটায় !  
 অবহেলি কালদণ্ডে স্তম্ভ ভয়ঙ্কর  
 অই যে গগন-স্পর্শী আছে দাঁড়াইয়া,  
 হেরিছে কোপেতে স্তম্ভ, দুঃখে জরজর,  
 আর্ষের দাসত্ব-বেশ অবাধ হইয়া ।

৭

চিনিলে কি, কুলাজার ! একীর্তি কাহার ?  
 পড়িয়াছ বিজেতার ভারতেতিহাসে—  
 এ শিম্প-সোহাগ হায় ! কুতব-মিনার !  
 এ গৌরব যবনের প্রতিভা প্রকাশে !  
 মিথ্যাকথা ! দেখ চেয়ে মেলিয়া নয়ন—  
 নহে ও যবন-কীর্তি, আর্ষ অহঙ্কার,

প্রভাতের রক্ত সূর্যো করিতে পূজন,  
পৃথুরাজ-কন্যা-তরে নির্মাণ ইহার !

৮

ছাড়িয়া কাস্তার এবে ছিম্মাত্রি-শিখরে  
উপনীত অবশেষে বিধির বিধানে ;  
আমি ক্ষুদ্র কবি, কবি-কেশরী না পারে  
চিত্রিতে সে ভীম শোভা অতুল ভুবনে !  
তুষার-মণ্ডিত-শিরে প্রভাত-তপন,  
বরসে জ্বলন্ত স্বর্ণ যবে অকাতরে,  
কি বিচিত্র শোভা নেত্র করে দরশন,  
দেখে নাই যেই জন, বুঝিবে কি করে ?

৯

শিখরে ধবল শোভা ; নিতম্ব প্রদেশে  
শ্বেত, নীল, পীত. আর স্নবর্ণে রঞ্জিত  
জলদ-মেখলা মরি ! কি শোভা প্রকাশে ;  
দেখে যেই, হয় সেই বিস্ময়ে স্তম্ভিত ।  
অই শুন কটিদেশে জীমূত-গর্জন !  
হাসিয়া বিকট হাসি খেলিছে চপলা ।  
অই হের, শিরোদেশে অপূর্ব-দর্শন  
অক্ষয় তুষার-পুষ্প, নাহি যার তুলা !

১০

জিনি শত-মেঘ-মস্ত্রে গরজি গম্ভীরে,

হের কোন স্থানে এই গিরি-প্রঅবণ,  
উল্লঙ্ঘি সমুচ্চ শৃঙ্গে, পড়িছে কন্দরে,  
রাশি, রাশি, ফেনপুঞ্জ করি উৎক্ষেপণ !  
কোথাওবা মৃদু, মধু বামা-কণ্ঠস্বরে  
গাইছে মধুর গান অবণ-রঞ্জন ।  
শোকের, দুঃখের, কাদি কোথা গাইছে ঝঝরে,  
জাগাইয়া স্রুগু স্মৃতি, শোকের সদন !

১১

তমোময় গিরি-গুহা, সমুচ্চ শিখর,  
ভীষণ অরণ্য, আর তৃণ-শূন্য স্থল,  
প্রকৃতির পুষ্পোদ্যান—মনঃ-প্রাণ-হর  
দেখিয়াছি কত শোভা হইয়া বিহ্বল ।  
তবে কেন নাহি স্রুখ অন্তরে আমার !  
তবে কেন জ্বলিতেছে থাকিয়া থাকিয়া,  
সে পোড়া পাবক হায় ! বিনাদ ভাণ্ডার !  
নাহিকিরে শান্তিজন জুড়াইতে হিয়া ?

১২

দাস যে, তাহার তরে তুঙ্গ হিমালয়,  
সমভূমি বঙ্গদেশ, সাহারা ভীষণ,  
সকলি সমান হায় ! সকল সময়  
পদাঘাত যাত্র তার অঙ্গ-আভরণ !  
এই শুন হিমবান গর্জিয়া ঝঞ্জার,



কুলদ্বার আর্ঘ্যস্রুতে বলিছে সখ্যন ;  
শুন এই মহাগীত, বহিবে শিরায়  
প্রলুপ্ত আর্ঘ্যের রক্ত কলুষ-নাশন !

১৩

হিমাদ্রি বলিছে, ভারত-সন্তান !  
তাজিয়া বাসনা, তাজিয়া সম্মান,  
জ্ঞানের অর্ণব, আর্ঘ্যের গৌরব,  
ভুলিয়া সকল, ঘৃণ্য স্তুতি-গান  
গাইছ নিয়ত, করিছ প্রদান  
অঞ্জলি যতনে পরের চরণে,  
লভি বিনিময়ে হেলা, অপমান !  
কলঙ্কে ডুবায়ে আর্ঘ্যের পরাণ ?

১৪

“ করিয়া পরের পাদুকা লেহন  
হয় নাকি ঘৃণা ধরিতে জীবন ?  
প্রণয়িনী পাশে হেন নীচ বেশে  
কেমনে নিলঞ্জ ! করিস্ গমন  
পৃষ্ঠে পদাঘাত করিয়া বহন ?  
থাকিতে পরাণে, কেমনে সন্তানে  
দিসূরে বাধিয়া দাসত্বে চরণ ?  
আশা-রক্ত হয় ! করি উন্মুলন !

১৫

“ ভুলেছ কি মুঢ় ! ভীষ্ম, কর্ণবীর,  
 দ্রোণ, দুর্যোধন, ভীম যুধিষ্ঠির,  
 কৌশল্যা-নন্দন, সৌমিত্রি লক্ষ্মণ,  
 ভারত-গগনে নক্ষত্র স্রষ্ট্রির,  
 বীর-অহঙ্কার সমগ্রা মহীর ?  
 ভবভূতি, ব্যাস, মাঘ, কালিদাস,  
 আদরে পালিত পুত্র ভারতীর ;  
 ভুলেছ তাঁদের সংগীত গভীর ?

১৬

“ ভুলিয়াছ যদি এসব রতন,  
 কেননা ত্যজিছ এতুলা জীবন !  
 কেননা সকলে জনধির জলে  
 এ নীচ পরাগে কর বিসর্জন !  
 ছইবে আর্ষ্যের কলঙ্ক মোচন ।  
 জুলিবেনা হিয়া, রহিয়া, রহিয়া,  
 ভীক আর্ষ্যমুখ করি দরশন !  
 শূনি ভারতের হৃৎকের রোদন !

১৭

“ অভভেদি শির দেখিয়া আমার,  
 ওরে ভারতের পুত্র দুরাচার !  
 কোন্ নীচ মনে পরের চরণে

লুটাইন্ তোরা মস্তক আবার ?  
 নাহি কিরে হয় য়ণার সঞ্চার !  
 উচ্চলঙ্গ দেখি উচ্চভাব শিখি,  
 কাঠিন্য নেহারি হরে বলাধার,  
 দুর্ভাগ্য ভারতে কররে উদ্ধার !

১৮

দক্ষিণে জলধি, অনন্ত, অপার  
 ভারতের হৃৎখে গর্জে অনিবার ।  
 হেরি বিস্তীর্ণতা শিখ উদারতা,  
 নীচ, ক্ষুদ্রভাব কর পরিহার ;  
 আর্বোয় গৌরব হইবে বিস্তার ।  
 জাহ্নবীর স্রোত সদা প্রবাহিত  
 দেখি কণ্ঠচতা করি অলঙ্কার,  
 দুর্ভাগ্য ভারতে কররে উদ্ধার ।

শীতলাকান্ত চট্টোপাধ্যায় ।

## গীতি কে যেন গাইল ।

১

গীতি কে যেন গাইল ।

ধসে ছিন্ন নদী তীরে, সমীরণ ধীরে ধীরে,  
 বহি বারি কণা অঙ্গ শীতল করিল ।

গীতি কে যেন গাইল ।

৯৭

এমন সময়ে গীতি কে যেন গাইল ।

গীতি অবগে পশিল ।

২

গীতি অবগে পশিল ।

সমীর লহরী সনে,            প্রবেশিল এ অবগে,

অবগের দ্বার দিয়া মরমে পশিল ।

সুমধুর স্বরে গীতি কে যেন গাইল ।

গীতি মরমে পশিল ।

৩

গীতি মরমে পশিল ।

কাঁদাইয়ে বিটপী দলে,    কাঁদাইয়া নদী জলে,

ঢালিয়া শোকের ধারা কে যেন গাইল

শুনিয়া অন্তর মম কাঁদিয়া উঠিল ।

ধৈর্য্য দূরে পলাইল ।

৪

ধৈর্য্য দূরে পলাইল ।

অস্ত প্রায় দিবাকর,            সুলোহিত কলেবর,

সে গীতি অবগে যেন কাঁদিতে লাগিল

তাই বুঝি তার চক্ষু আরক্ত হইল ।

শোকে আকাশে মিশিল ।

১০

৫

শোকে আকাশে মিশিল।

সাজাইয়া ছায়া পথ,                      নক্ষত্র কুমুম যত,  
বিকশিত, তারা যেন দেখিতে আইল,  
ছিল যুমে, অর শুনি হঠাৎ জাগিল।  
কি হলো বলিয়া যেন দেখিতে আইল।

শেষে শোকেতে ভাসিল।

৬

শেষে শোকেতে ভাসিল।

পূর্বাকাশ সুরোভিরা,                      কুমুদিনী হাসাইয়া,  
উদিত চন্দ্রমা, রশ্মি জলেতে পড়িল  
তাহা নহে, শোকে বিধু জলে কাঁপ দিল  
হুঃখ সহিতে নারিল।

৭

হুঃখ সহিতে নারিল

নিমন্ত্র প্রকৃতি সতী                      সারা শব্দ একরতি,  
নাহি কোথা, চারিদিকে নিঃশব্দ হইল।  
শাখীপরে পাখীগণ নীরবে বসিল।  
শোকে নীরবে কাঁদিল।

৮

শোকে নীরবে কাঁদিল।

পবন না সনে আর,                      স্থির তার অধিকার,

গীতি কে যেন গাইল ।

৯১

ক্রমশঃ আসিয়া এবে চৌদিক ব্যাপিল ।

সে স্থিরতা ভেদ করি ক্রমশঃ জাগিল ।

গীতি গগনে উঠিল ।

৯

গীতি গগনে উঠিল ।

বাসু শিরে করি ভর,            সেই খেদ পূর্ণ স্বর

খ্যানমগ্ন দূর গিরি-কণে' প্রবেশিল

খ্যান তাজি গিরি যেন কাঁদিয়া উঠিল ;

মুহুমুহু প্রতিধ্বনি ছলেতে কাঁদিল ।

হায় পাষণ ( ও ) গলিল ।

১০

কে যেন গাইল ।

“ বীর বর !

একি দশা হেরি তব ? একি বিড়ম্বন ?

শরশয্যা পরে হায় করিলা শয়ন ?

কুকুসৈন্য অগণন,            নির্ভয়ে করিতো রণ,

তোমারও বিহনে আজি সকলি সভয় ।

যে দিকে নিরখি দেখি নিরাশা উদয় ।

১১

“ ভগ্নোৎসাহ সেনাগণ সভয় অন্তর

ভয়াকুল দুর্ঘোষন কাঁপে থর থর,

না হইল রণে জয়,            সেনাকুল হলো কয় ।

ভাবিয়া যে কুরুপতি ব্যাগিত হৃদয় ।

হে বীরেশ ! তোমা বিনে সব শূন্যময় ।

১২

“ দেখিতেছি দিব্য নেত্রে এ সময়ে আর

তুমি যবে মৃত,—নাহি কাহারো নিস্তার

বড় বড় রথি যত,                      সকলি হইল হত ।

শেষ শ্বাস ছিলে তুমি, তোমারো পতন

বুঝলাম ভারতের অদৃষ্ট লিখন ।

১৩

“ দেখিতেছি দিব্য চক্ষু, অতঃপর আর

ভারতের স্বাধীনতা রক্ষা হওয়া ভার ।

গৃহচ্ছেদে যে দেশের স্রোত বহে শোণিতের—

সে দেশের আশা রবি রবে কত দিন ?

অধীনতা মেখে শীঘ্র হইবে বিলীন ।

১৪

“ মহামন্ত্র একতার যথা লেশ নাই,

যে দেশে শোণিতপাত করে ভাই ভাই,

সে দেশের সুরগৌরব,              সে দেশের সুরভিব,

কত দিন রবে ? নহে বহু দিন আর

সোনার ভারত হবে দীনতা-আধার

১৫

“ বটে বীরপ্রসবিনী মোদের জননী

বটে আমাদের সম নাহি আর ধনী,  
বটে জ্ঞানে, গুণে মানে, আছি সর্ব উচ্চ স্থানে,  
কিন্তু নাই আমাদের একতা বন্ধন ।  
যার ইচ্ছা সেই পারে করিতে মলন ।

১৬

উড়িছে যে হিন্দু ধজা সিঙ্কুনদী তীরে,  
বাজ করি পশ্চিমের স্বেচ্ছ হৃপতিরে,  
সিঙ্কুর অগাধ জলে, ডুবি যাবে রসা তলে,  
দেখিতেছি দিব্য নেত্রে একতা বিহীনে  
দাসত্বে পুরিবে দেশ ক্রমে দিনে দিনে ।

১৭

“কোরব পাণ্ডব গৃহবিচ্ছেদ কারণে  
তুমি যথা বীর বর পড়িয়াছ রণে  
ভারতের ভাবী বংশ, এই রূপে হবে ধ্বংস ;  
কে যেন কহিছে মোরে জাগ্রত স্বপনে  
মজিবে ভারতভূমি একতা বিহনে ।

১৮

একতা বিহনে আজি কুকক্ষেত্র স্থলে ।  
হইয়াছে একমাত্র শ্মশান কেবল ।  
ভারতের এই দোষে পরিণা বিধির গোবে  
ভারতো হইবে কালে প্রকাণ্ড শ্মশান  
পুড়ি ভস্ম রাশি হবে ভারত সম্মান ”



১৯

গীতি কে যেন গাইল

কাঁদাইয়া চরা চরে      পশু পক্ষি আদি নরে

গীত তাজি শেষে সে যে আপনি কাঁদিল

ক্রমে যেন সেই স্বর বিলীন হইল

আর কর্ণে না পশিল !

২০

ভারত সন্তান গণ ! দেখ,

সৈনিকের প্রতি বাক্য হয়েছে সফল ।

ভারত একতা বিনে গেল রসাতল ।

তবে কি হবেনা ভাগ্যে আর স্বাধীনতা ?

হবে,—যদি যপ মন্ত্র “একতা একতা ।” ভারত-মুহুদ

## ভারতের সুখাবসান ।

১

ভারতের সুখনাশ হায়রে যেদিন,

সিঙ্গুনদ অবতরি,

বহুসৈন্য সঙ্গে করি

আসিল ভারতে ঘোরী, পৃথু পরাজয় ;

ভারতে হিন্দুর সুখ সেই দিন লয় ।

২

কেবল কি স্বাধীনতা ? ধন, মান, জ্ঞান ।

বিদ্যা বুদ্ধি আদি যত,

সে দিন সকল হত

সে দিনই মরিল, ভীষ্ম, অর্জুনাদি করি ;

স্বর্গবাসী হিন্দু আত্মা কঁাদিল ফুঁ করি ।

৩

সে দিনই ঘোর কলি পশিল ভারতে,

পিতা পুত্রে বিসংবাদ,

দুর্জয় কলহ নাদ

ঘরে ঘরে ; কঁাদে মাতা পুত্র আচরণে ;

ধর্ম ছাড়ি ব্রাহ্মণ পড়িল প্রলোভনে ;—

৪

সুদূত দাম্পত্য প্রেম হইল শিথিল,

সুন্দরীর মুখে নু'পরে,

সে দিন কলঙ্ক পড়ে ;

সহসা বীরের হৃদি, হ'ল কম্পাবান

ভীকতা, নীচতা, পশি লইলেক স্থান ।

৫

ভুলিতে কি পারি, হইলেও বহুদিন ;

আজিও সে বংশবলে,

অহঙ্কারে উঠি ফুলে

কি তাপ ! সিংহের ঘরে জন্মেছি শূণাল,

ভাবি না “এদেহ হবে মাটিতে মিশাল” ।

৬

ভুলিব কেমনে ? কোথা আছে কি তেমন ?  
প্রতিজ্ঞা রক্ষার তরে,  
কোথা বল কোন্ বীরে,  
নিরস্ত্রে পরেরে করে প্রাণ সমর্পণ  
কোন্ দেশে আছে হেন ভীষ্মের মতন ?

৭

পিতৃ সত্য পালিবারে কে গিয়াছে বন ;  
কার বল সহোদর,  
রাজ্য ছাড়ি বনাস্তর  
ভ্রাতৃপ্রেমে বৈমাত্রেয় লক্ষ্মণ যেমন,  
কোথা হেন পতিসহ পত্নী গেছে বন ?

৮

রণস্থলে ছল যুদ্ধ জয়ুক আকার ;  
সেই নাকি শ্রুকৌশলী,  
তারে মহাবীর বলি  
পরমুখে ব্যাখ্যা শুনি প্রশংসি বিস্তর ;  
ভাবিনা যে, দম্ভ্য, বীরে, কি আছে অন্তর ।

৯

ভারত-মানিক হৈন বসুধা ললাটে ;  
তদুর্দ্ধেতে হিমালয়,  
আছা ! কিবা শোভাময়

উন্নত গগন ভেদী মুকুটের প্রায় ;  
মহাসিদ্ধ নীলাশ্বর নয়ন জুড়ায় ।

১০

পূর্ণভূমি এভারতে, কিসের অভাব ?

কোথায় জলদ জলে,

হেনরূপ শস্যফলে

অর্গরেনু কোথা হেন ভাসে নদীজলে ?

পরে হৃদ্ধ খায়, মোরা কাঁদি মা মা বলে ।

১১

অমল সলিলা নদী, বহি সদা দ্বারে,

অগাধ্য বাণিজ্য তারি

আনিতেছে বক্ষে ধরি ;

কোথা মন্দাকিনী নামী, কল কল শব্দে,

হিমালয় হতে যার সাগর বাসরে ।

১২

বার মাসে তের পার্শ্ব কোথা হেন আছে ?

কোথা হেন ছয় ঋতু,

সবার সুখের হেতু,

লয়ে রাজভোগ্য ভেট উপনীত হয় ?

গোপনে অমৃত কোথা আশ্রয় লয় ?

১৩

আনন্দের দিন কোথা আছেরে এমন,

সর্ব্ব দুঃখ দূর করে,  
 মিলি নিজ নিজ ঘরে,  
 দেশ দেশান্তর হতে আশ্বিনে যেমন,  
 পূজিয়া শারদা আর লক্ষ্মীর চরণ ।

১৪

শশাঙ্ক-কর-পরশে হাসে কুমুদিনী ;  
 পেয়ে অংশুমালিকর  
 আলো করে সরোবর ।  
 বিকসিয়া কমলিনী দোলে বাসুভরে,  
 পতি প্রাণা সতী যেন বাঙ্গালির ঘরে ।

১৫

ভারতের অতুল সুখ ; কিন্তু কার তরে  
 এষে রে ! ভারতবাসী,  
 গভীর কলঙ্ক রাশি,  
 লেগেছে ললাটে তার বজ্রের মতন,  
 নাহি যার হেন দাগ দিয়াছে যবন ।

১৬

ধিকুরে ভারতবাসী ধিকু শতবার,  
 যেই দেশে অগণন,  
 ভাঙারে অমূল্যধন—  
 লক্ষ্মীবানী সমভাবে বসিত যথায় ;  
 সেই ভারতের দশা একি হেরি ছায় !

১৭

কোন বিদ্যা তব দেশে না ছিল এমন ।

যার লাগি জন্মভূমি,

তাজিয়া চলেছ তুমি

ফিরিজিরে গুরু বলি কর সম্বোধন,

ইহা হতে শ্রেয় তব-মরণ শরণ,

১৮

শুনিয়া পরের মুখে নিজ ইতিহাস

গালি দেও মনাকুলে

স্বর্গবাসী আর্ধ্যকুলে

পবিত্র আরাধ্য সেই আর্ধ্যপ্রাতি নাম

ভারতে হার রে আজি সে নাম বিরাম ।

১৯

ধনে, মানে আমাদের কি আছে গৌরব ?

মহারানী খ্যাতি পেয়ে,

ভারতে নক্ষত্র হরে

বল কে স্বাধীনা, কেবা করে আলো দান ?

এষে গলে অধীনতা হার পরিধান ।

২০

ভারতে আমার মাতা, কারে আমি ডরি ?

শোকের অঙ্গ জর জর,

নাহিক মরিতে ডর

কোন আর্ধ্য ডরিয়াছে ? আমি কেন ডরি ?  
মাতা মোর অন্ন পূর্ণ আমি ভিক্ষা করি !

২১

এসে ভারতবাসি আর কত কাল,  
সহিবে যন্ত্রণামল,  
জননীর মুখোজ্জ্বল,  
না হইল যদি, জিয়ে এত পুজা যার,  
তবে এজীবনে বল কি হল মরুসার ?

২২

জাগরে ভারতবাসী যায় কিন্তু কাল ।  
এছেন কোমল বুকে,  
দহিছে অনন্ত শোকে ;  
ধরেছ মানব জন্ম এই কি কারণ ?  
এ ভাবে কি চিরদিন করিবে ক্রন্দন ?

২৩

নশ্বর-মানবদেহ, কীৰ্ত্তি চিরস্থায়ী ;  
ভঙ্গুর শরীর তরে,  
রতন মিলিবে করে

এস সবে মিলি মোরা এ বাণিজ্য করি ।  
ঘাটেতে বাণিজ্য কেন ডুবায়ে তরি !

২৪

যদি না করিলে কার্য্য জন্মিবে ভারতে,

তবে অগ্নি কুণ্ড করি,  
এস সবে পুড়ে মরি  
ভারতের পতিততা মরেছে যেমন ।  
দাসত্বের তরে কেন রাখি এ জীবন ?

২৫

যে সমাজাকাশে শোভে বাবু শশধর !  
সাধকের রূপ ধরি,  
বাবু বসে সারি সারি,  
তার না হইবে রক্ষা বুঝেছি নিশ্চয় ।  
কেনরে কলকী টাঁদ ভারতে উদয় ?

২৬

ভারতবাহিনী অগ্নি দেবী মন্দাকিনী !  
শুনিয়াছি রামায়ণে  
ভগীরথ আরাধনে,  
এলে মর্ত্যে, ঐরাবত দর্প চূর্ণ করি,  
পশিল পাতালে জল পৃথিবী বিদারি,

২৭

সেই খরতর তেজ কোথায় জননি !  
পতিত পাবনী ভূমি,  
পতিত ভারত ভূমি,  
উদ্ধার তাহারে আজি কৃপাদৃষ্টি করে,  
নতুবা অতল জলে ডুবাও তাহারে ।

\* \* \* \* \* দীননাথ মেন



# রাগিণী বসন্ত বাহার ।

তাল আড়া ।



( বিধি ) দাক্ষণ দুঃখের নিশি পোহাবে কবে !

ভারত গৌরব রবি, উদ্ভিত হবে ।

অধীনতা অন্ধকার, এদেশে রবে না আর,

অধীন ভারতে হবে স্বাধীন সবে ।

সকলে স্বাধীন ভাবে, স্বাধীনতা গুণ গাবে,

বিহঙ্গে গাইবে শূন্যে স্বাধীন রবে ।

নিশি পেয়ে নিশাচরে যত এ ভারতে চরে,

আলোকে সাগর পারে, পলাবে সবে ।

নিত্য নিশি দূরে যার, নিত্য লোকে আলো পায়,

ভারত দুঃখের নিশি ( কি ) অনন্ত রবে ?

ইচ্ছায় বিদ্রি লীলা, কণ্ঠেতে বাঁধিয়া শিলা,

তঁহার ইচ্ছায় তরে, নরে অর্ণবে !

রাজবিহারী দাস ।

## অশুদ্ধ সংশোধন ।

পৃষ্ঠা ।	পংক্তি ।	অশুদ্ধ ।	শুদ্ধ ।
১.....	৬ .....	কবি ..	করি
২ .. ..	১১ .. ..	বিক্রা ..	বিক্রা
২ .. ..	২০ .. ..	সে .. ..	সেই
২ .. ..	২১ .. ..	সেই .. ..	সে
৪ .. ..	১২ .. ..	অননে ..	আননে
৪ .. ..	১৮ .. ..	গা(উ)ক ..	গাক
৮ .. ..	৫ .. ..	ইতিহাস ..	ইতিহাসে
৮ .. ..	১৫ .. ..	আর্ঘ্যাবর্ত ..	আর্ঘ্যাবর্ত
১০ .. ..	৪ .. ..	শক্তিবান ..	শক্তিমান
১০ .. ..	১৬ .. ..	করিল ..	করিলে
১১ .. ..	২ .. ..	সেই .. ..	যেই
১৬ .. ..	২০ .. ..	বেশ .. ..	বশ
৩৪ .. ..	২ .. ..	নির্দ্বাও ..	নিবাও
৩৪ .. ..	১৩ .. ..	মন্তান ..	সংসার
৩৫ .. ..	৫ .. ..	করিছে ..	করিছ
৩৬ .. ..	১৩ .. ..	সেই .. ..	সে
৪২ .. ..	২ .. ..	ভারত ..	ভারতে
৫৫ .. ..	৬ .. ..	যাইতে ..	যাইত

পৃষ্ঠা।	পংক্তি।	অশুদ্ধ।	শুদ্ধ।
৫৫	১৭	সূর্য্য	সূর্য্য
৫৬	১৯	তাকে	তা, কে
৫৭	১	দোহ দোহ	দেছি দেছি
৬২	১৩	সাগরের	সাগরে
৭২	১৭	মাবে	মারে
৭৯	১১	তাহার	তাহায়
৯৭	৯	কাঁদাইয়ে	কাঁদারে
৯৯	১৫	তোমারও	তোমার
১০১	১৫	স্থলে	স্থল
১০৩	১১	সুন্দরীর	সুন্দরী.
১০৫	৩	স্বর্ণভূমি	স্বর্ণভূমি
১০৭	১৩	ভারতে	ভারত
"	১৬	ভারতে	ভারত
১০৮	২	অন্নপূর্ণ	অন্নপূর্ণা







